

豹軒詩鈔

67-538



1200501281772



始



豹軒詩鈔卷一

北越 鈴木虎雄 撰

明治二十年丁亥 十歲

哭伯兄柿園先生 十月

痛哭無期別不知何處行墓門君不見秋草露華清

寄懷仲兄彥嶽君在東京 十月十二

千里遠遊人一朝辭老親樓頭空入夢託雁郢歌新

大鳥川晚釣

蘆岸秋將老晚來魚自多東山新月白遠近聽漁歌

明治二十一年戊子 十一歲



送小島義卿于役新發田兵營

故人一去幾時歸
誘掖訓言自此違
今夜書窗寒月色
離歌唱罷淚沾衣

明治二十二年己丑 十二歲

送鈴木宗久君遊于東京 三月

行矣東洋第一京
區區何管故園情
嗟吾羽翼猶如昨
羨子萍遊萬里程

題楠公父子訣別圖

遵奉錦旗順公捨
私維忠維慈愛君
親兒楠廟千祀湊
川無涯

賞雪

雪滿庭園一段清
前堂後閣玉雕成
望中千里渾銀色
卜得年豐鼓腹情

雪中訪友

飛雪霏霏天未昏
短簔破笠訪山村
溪頭忽認暗香動
立盡瓊瑤堆裡門

孟母斷機

偉哉斷機母生此
鳳凰雛請見三遷
業長爲萬世模

送人東行 九月

此業從來在苦辛
千金自愛客窗身
明朝匹馬向東去
知是他年衣錦人

除夜二首

學業依然又歲除
家人對酌炙枯魚
憂心未睡寒燈下

水漏沈沈感有餘
一事無成屬歲除
可憐鴻信往來疎
自羞象舞春方迫
空對燈花感有餘

明治二十三年庚寅 十三歲

將遊東京留別 二月十八日

千里辭親遊帝京
自期磨琢大成名
不知衣錦歸鄉日
一笑把杯話此情

中元懷鄉

家在白雲千里鄉
奈斯遊子思親腸
說出去年今夜事
兄弟四人共舉觴

用家君所寄詩韻卻寄從兄昌五

信書久絕固無他
學海如今事務多
借問我家前苑裡
秋來熟柿味如何

明治二十四年辛卯 十四歲

書感

旅窗春且暮
聊欲慰清貧
柳伴輕風長
花隨浩氣新
青雲難達志
紅袖易愆身
願續西樓夢
宵宵侍老親

寄長善館同窗會員諸氏

文園耕且耨
誰最講魯論
此會功名重
斯門德義尊
相侯寧有種
桃李固無言
知是今宵宴
娟娟月滿軒

辛卯中秋訪彥嶽兄於早稻田村東京專門學

校不遇留一詩而歸

中天皓月晚風徐萬頃黃雲畫不如吟杖訪來君不見
孤燈空照案頭書

詠史

氣蓋世兮力拔山鞭聲一舉入函關惜君不用謀臣策
身死帳中涕淚間

明治二十五年壬辰 十五歲

春日書感

早梅香馥郁紫陌忽催春翠靄籠林樹紅霞滿水濱桃
源蝴蝶夢塵世薜蘿身溫故雖宜貴又能尙日新

初夏夜坐偶成

百花紛盡夜蕭條林外笛聲魂欲消知是今宵半天月

照來西水第三橋

歸省偶成二首

香飯枯魚又菜羹農談詩話滿胸清誰知今日真鄉味
生自弟兄友愛情

庭竹送風風滿樓樽中有酒酒消愁劍峰日落雲將紫
一局鬪碁月一鉤

留別

離歌一曲酒杯傳別淚難留萬感牽膝下奉歡纔半月
旅窗苦學已三年商飈吹袂雲容淡灝氣滿空星影鮮
誰道遠程相識少吟鞍到處舊山川

聞從兄子椿聘赴阿波賦寄

燕王臺上千金寶聘得吾門董仲舒堪羨山光將水色

金聲載去一篇書

明治二十六年癸巳 十六歲

鎌倉懷古二首

一路湘南幾度過
黍離麥秀感如何
創基豈在山河壯
絕祀唯依政令苛
九代榮華春草合
千年遺恨夕陽多
行人莫問興亡事
畢竟將軍不伐柯

英雄遺跡古今同
霸府興亡感慨中
桎梏嘗聞孤島雨
鞭撻還御八州風
蕭牆有禍干戈踵
昭穆無親事業空
曾是崢嶸蓮幕地
陽春寂寞野棠紅

將歸鄉踰碓冰嶺 八月

晨辭丹鳳闕
暮上白雲山
煙雨初澄霽
道途殊險艱
飄

如攀碧落惚似脫塵寰
麋鹿避行旅 樵蘇稀往還
泉懸魚潑刺 樹匝鳥綿蠻
此境難多得 長希遠闕關

贈習卿兄三首

雙親鬢髮雪霜稠
愧我青雲志未休
彈鋏馮讎空坎軻
登樓王粲尙淹留
三年故國弟兄夢
萬里高天鴻雁秋
不盡西風江上恨
一痕寒月滿蘋洲
秋風滿目客懷催
燈火照愁書一堆
兩漢文章皆錦繡
六朝詩句各瓊瑰
羨君高臥相如宅
歎我原非靖節才
聞道故園秋色老
不知何日賦歸來
夜耽玩讀晝耕耘
便悟功名薄似雲
朋黨何爲分漢楚
詞壇誰竟擬桓文
江湖落魄無如我
山野風流固屬君
想見蕭然環堵室
猶餘五典與三墳

題照相背後

睥其目便其腹布短露胼胝肩聳脚樸楸憐汝當年志
題柱出故鄉文慕韓子筆詩羨李生囊慈親今老矣鬢
華白似霜吁嗟片紙展來心緒亂盍速去慰倚閭歎

月夕偶吟

腸斷西風白露秋敵來誰補木綿裘芙蓉峰外客回首
明月還應照越州

九日江上作

長江木落浪聲寒天漢星移夜色闌鐵笛高樓風冷冷
霜砧破屋月丸丸書從黃耳漸應到客與白衣強自寬
旅食京城秋又老菊花荒徑任人看

偶成

客裡星霜似擲梭幾回浮世感蹉跎天涯涕淚憐工部
海內文章憶汨羅學溯淵源聊復爾身離鄉國竟如何
窮途偏向蒼蒼問忼慨中宵倚太阿

鴻臺懷古二首

鴻臺鬱鬱枕汀洲當日爭衡此渡頭萬骨功名歸蔓草
一天星漢壓空樓寒雲有響鐘樓曉老柳無聲澤國秋
獨立不堪聞牧笛蒼茫萬古使人愁
江頭日落朔風回野草荒荒骨作堆白雁蒼天呼雨雪
青燐黑夜走蒿萊亂餘河嶽壯猶在戰後松楸秋更摧
地下有靈應涕泣寒潮殘月起餘哀

聞小島義卿將歸鄉寄似

飄泊西東歲月深相逢一笑爲披襟陶家松菊勞鄉夢

范叔綈袍愜客心
慵出蛟龍又潛窟
倦飛禽鳥更歸林
平生未報江湖志
憔悴風塵發越吟

送義卿歸越二首

旗亭枯柳客傷情
歲晚憐君出帝城
此去關山鄉國遠
白雲埋盡馬蹄聲

曉風殘月馬蕭蕭
孤客前程萬里遙
臨別不揮丈夫淚
丹誠只合答天朝

癸巳除夜作

萍蹤長滯墨江濱
桃梗如何比此身
匣底鏽刀空自吼
牀頭饑鼠屢相親
寒烏啼月匣枯樹
斷雁嘶雲下遠津
刎頸交遊音信盡
滿樓風雪感懷頻
上書北闕非吾事
馳興西園定幾人
他日學成當侍養
故山道遠莫逡巡

明治二十七年甲午 十七歲

寬永寺

山上寺殘苔半侵
將軍曾此奉泥金
銅人不解興亡恨
櫻樹獨知今古心
畫閣蛟龍虛夜月
香壇烏雀噪春陰
回望盡是前朝物
霸氣銷沈感慨深

藤旭洲宅觀楠公古戰旗歌

建武年間古旌旃
絹素剝落西都傳
鐵畫銀鈎楠公筆
五字真蹟自明鮮
盪漉焚香開篋笥
唯見堂上雲煙萃
蛟龍盤挈墨淋漓
經營慘淡勤王意
憶昔金剛驅賊兵
忠義之氣天壤橫
忽見赤幟翻趙壁
豈容螿弧登許城
西南氛祲隻手掃
六龍再御長安道
斯須轂下胡兒出

貴妃恨未委泥濘湊河死戰氣空雄此旗所向虎逐風
誰收餘燼當豺狼精忠獨稱貫日虹南朝事去六百載
齊晉霸圖幾回改當時翩翩暗風塵此日爛斑生光彩
障上梁間氣網緼點畫瘦硬肅不紛知君愛旗非爲字
敢論行草籀篆文忠臣遺墨不易獲十襲珍重如和璧
召伯民嘗惜甘棠武侯祠猶存古柏古柏甘棠久寂寥
此旗曾懸日月昭卷舒反覆感今古芳山半壁憶南朝
君不見神州萬古正氣度斯公敵愾奉赫怒觀感能使
忠臣多此旗何啻百大呂

漢江行

傷韓人金
玉均死也

楊花津頭飢啄烏路旁死人無完膚腥風夜吹飛頭顱
陰火明滅鬼挪揄月色森森冷菰蒲有物人立語康衢

吾昔喪元暴路隅廊廟器材今有無往歲政紊紫奪朱
轂下鞞鼓急號呼黔首顛蒙堪憂虞朝廷衮職誰覬覦
天命猶未假狂夫亡命神州風物殊芙蓉白雪衆壑趨
鶯花春滿小西湖蜚煙瘴風龍鼉區月夜魂歸故山廬
局促固非轅下駒零丁何識滄海珠今年與客就行途
鱗鱗遙指清北都玉山不學袖手愚獲兒欲探猛虎鬚
滬上突出荆聶奴懷璧竟失千金軀多年天涯德不孤
此日遺憾泣葭苧漫道逆賊被天誅八道驛傳爭歡娛
市上白晝擲無辜微軀何惜奈廟謨英露獨佛森盤紆
近聞暹羅輸版圖尙輕志士重賄帑小國存亡待須臾
伍員忠誠賜屬鏤包胥血淚寧如吾吾豈忠誠伍員徒
惜哉掛眼東門見亡吳

遊照明寺在寺泊

石梯千尺攝衣登避暑危闌暮自憑山頂月明秋寺閣
海門潮漾夜船燈松巢警露雙棲鶴竹院煎茶獨坐僧
借問樓居何處好尋仙更入白雲層

送人從軍于朝鮮三首

南山寇盜暗塵埃赤馬關頭戰艦開墮地從軍良壯矣
倚天橫槊亦悠哉功名我輩空王澤事業君倫是霸才
烈日嚴霜須努力此行何必望歸來
龍吼腰間一劍鳴軒天意氣策縱橫固知陳蕃備除室
設有劉琨豈解兵受命凶門辭耆舊圖功麟閣答昇平
覺羅諸將真兒戲想見旭旗搖漢城
英雄業廢竟如何禦侮感君慷慨歌七國縱橫風雨變

三天社稷鼓旗多遠征若不平交趾豪氣應無要伏波
記取韓山脣齒地偉圖容易莫蹉跎

東方欲曙篇送人從軍

東方欲曙天雞號星河漸沒曉日高山陽營門魚鑰動
帷幄倥偬按鈴韜萬乘天子親戎事宵旰御牀勞謀
議絕海樓船羽林兵馳逐直據形勝地昨夜天兵拔牙
山萬里韓山鮮血殷猶似狂飈捲枯葉胡兒奔北幾人
還碧蹄館荒秋草短大同江寒殺氣滿一戰平壤何在
哉長白山南胡馬斷捷書日奏虎幄中天顏有喜近
臣同黼黻忠良重社稷大猷于今非和戎憶昨拜讀五
色詔理義文章共焜耀君王仁慈視衆庶諭旨丁寧
泣老少子今棄鋤往投軍意氣已衝渤海雲誓爲吾

皇作京觀義戰如斯古未聞君不見黃海之水幾百尺
胡虜恃險恣橫逆又不見神州兵強三千年 明君懷
德臨九邊天下豈有仁者敵降旗應出燕京壁金鼓未
交我能知勝敗之數固歷歷

明治二十八年乙未 十八歲

從軍行二首

蒼黃樹胡旗不知何壘壁篝火滅又明前岸如有敵將
軍思津梁健兒應沙礮乃脫血戰袍躍淵水聲若亂流
近前汀寒月照蘆荻拔刀斷鐵鎖悠爾鉤畫鷁歸來潛
行間何敢稱功績斯心只奉 君持以掃夷狄
朝辭山陽里暮入古幽州風勁秋草斷天寒宿荒邱隴

頭玄冰裂雪滿黑貂裘古戍笳聲動南拱廣陵秋不道

關山苦不願取封侯君恩泰華重明日平滿洲

蒲生裝亭曰古

意古調桂湖村曰起首頗佳是
高岑家法而句法則不同

出師曲三首

纛下點檢急王命征夷蠻軍牒看名字不死吠畝間驅
馬出閩里蒼茫望關山道傍相送者叩鞍涕淚漣穉子
嗟何意見爺只破顏豈不思六親壯士去不還

洪濤秋八月舳艫破冥濛殺氣連海岱孤劍向遼東遼
東三千里土俗皆昧蒙戎狄今充斥誓欲策邊功蓬瀛
倏已遠塞關斷雲中彎弓射胡月茫茫天地空

美哉岫巖固河山開天府守備得士心百萬何足數在
德不在險興亡今猶古胡軍忽奔崩王師纔三鼓諗爾

遼陽兵更能餘勇賈固欲明名分豈事尺寸土

征夫行

同雲黯慘朔風烈低飛鶯鶯哀鳴絕夜來雲壓醫巫閭
 名山遼海揚波波巖嶼王師已度岫巖營北扼海城駐甲
 兵胡地天寒不足道將軍下令決西征朝為候騎進間
 道向虜陣暮抱黃梁眠堅冰在鬚鬢誰知從軍苦漫說
 綏邊功畫旗凍裂缸瓦雪雕戈寒拂腋甲風缸瓦塞名
腋甲山名
 落日欲下戰場柳轅門且飲葡萄酒獵獐犍鞞更何論
 決眦北望遼陽口夜深過阡陌陰風草木腥爛屍委餓
 虎遠近鬼火青人生為戍卒沙場不空沒臨榆關頭月
 欲低幾時飲馬長城窟願化塞上青青草年年縈纏單
 于骨

神州詩

神州秀靈氣發為山河美黎民天所降忠良又何似有
 事荷劍戟無事執耒耜侯伯幾廢興皇權未嘗徒巍蕩
 同堯舜顛蹶異楊李清室近勃興諸夏從風靡朱明無
 餘燼昭穆絕禋祀至今四百州不見真男子胡君任跳
 梁天命誰顧諟壬辰韓山事過失固在彼當時玉帛盟
 昭昭如白水去歲復動師況亂隣邦紀 吾皇赫斯怒
 虎符招猛士森嚴問罪文炳乎仰綸旨大纛駐廣陵六
 軍均拊髀維自肇國來人知勝與死寄語胡天子險隘
 不足恃三百年繁華幻虛如海市不日破滿洲進拔白
 河壘皇基固宏淵昭代無窮已

送人之澎湖島

別淚且銜鸚鵡杯南方多難亦堪哀瘴煙滿地戍樓出
潮道通天蠻舶來關外已飛司馬檄帳中復用伏波才
澎湖西望風濤惡要警邊防備變災

丁汝昌 禹庭

重圍島上壯軍聲一箭降書生命輕幕下健兒同日死
齊東又見古田橫

平壤歌

箕子廟邊月欲低朱雀門頭烏亂啼啼聲未絕金鼓起
胡兵逃兮大江西

坤寧殿行 為朝鮮閔妃遭害作

雲峴宮邊狐夜啼坤寧殿外星河低畫欄桂樹怨秋月
銅壺漏殘闋柳隄蒼袍奚奴入南內珠簾散亂雕柱碎

玉面紅摧芙蓉花蜂腰血點蘭麝佩憶昨行幸光化門
倚寵眼無君王尊綺筵歌舞鞦韆動梯雲夜半月中奔
秋風玉匣憐團扇飛燕已去昭陽殿絃管淒涼漢山高
鐵馬馳突祥原縣烽煙騰上冒雲霄乾坤可獵河漢焦
嫦娥早向蓬山去人間空留鈿雀翹嗚呼往事安足道
永巷萋萋空秋草首陽誰復採蕨薇朝廷能招商山老
廟前雲門調八風衣冠肅雍朝彤宮白環銀甕遠應致
鐘鏞河圖明堂中詔曰爾臣和鼎鼎昔時嬖豎今何在
呂家產祿無所施伊霍池館失光彩太子賢良日講經
永言孝思椒房靈長生殿裡風雨夜腸斷當年雨淋鈴

時事雜感五首

將軍細柳屯奉詔事戎軒慷慨去中國艱難鎮外藩文

章開幕府笳角壯轅門爾等徂王土非為異域魂
 炎風天子國辛苦暮南征櫟樟深山合龍蛇大澤橫雲
 連吳越樹霧壓漢夷城急致蕃王縛朝廷夙賜纓
 射鵬遼海月飲馬淡江流轉戰三千里回看四百州令
 嚴寒柝重夢冷夜刁幽壯士中宵起長天笑倚矛
 塞北山河改臺南未洗兵殺人嗟已慘棄土一何輕戍
 卒穹廬敝功臣甲第成幸逢賢宰相萬里慎橫行
 盜賊猶猖獗黃麻下紫霄旌旄齊就郡侯伯燦羅朝籌
 策豈其拙干戈未敢驕但看乘世亂早已爵封饒

讀史四首

幕府文書百計窮干戈南國走羣雄趨跳豹虎青雲日
 偃蹇鯨鯢黑海風若為戎馬平胡虜卻有鹽梅出漢宮

自是 君王臨四極諸公謹慎勿論功

東台鼓角劇縱橫弢箭行人各發營萬里飛烽侵夜月
 千軍降虜出江城洗兵勢壓周王雨摩壘威凌漢塞旌
 許國固應期馬革麒麟不用畫虛名

十萬王師奏凱還鑾輿東幸度函關天開洪海風煙際
 地曠饒州草木間上國筆漿逢父老中原壘壁擁河山
 甲兵全熄功臣死惆悵城邊淚滴斑

中興 聖主定神州四海蒼生捧壽甌德洽山陽頻集
 鳳功成野外且放牛衣冠狄國歸朝貢社稷忠臣獻遠
 猷短褐今逢王化日扁舟寧趁五湖遊本田種竹曰風

重洵近代不易獲之作蓋發源于老杜諸將及詠懷古
 跡等數篇全不務貌襲而得其神似者可以與查初懷白
 傳詠史八首同
 於不朽矣

大纛自西都還感賦五首

乾坤氛祲滿戎馬幾時終雨冷春申浦花零雲峴宮椒
 房環佩斷箕廟棘榛空回首十年事茫然向朔風
 天驕修玉帛萬國尙連兵秦殿一聞哭楚階誰決盟星
 槎河上遠漢日漠邊明還拜痛哀詔吞聲血淚橫
 猛士辭沙漠鑿輿又北歸春光殘雁塞日色麗龍旂未
 斂朔方貢空收南海璣不知玄菟月何以照戎衣
 翠旌千萬騎紫氣九重門劍珮迷花霧衣冠映鶴軒孔
 明籌策拙安石典型存沙場新戰骨怕有未招魂
 袞職朝廷盛時清拜冕旒何爲勞 聖主倏又失幽州
 翹翹牙山夜蛟龍壇浦秋 春宮猶問寢爾輩不空憂

桂湖村曰豹軒專攻杜詩三年而有餘故克歷藩翰而將入堂奧也五首大概規撫杜之至德二載甫自京金

光門間道歸鳳翔乾元初從左拾遺移華州掾與親故
 別因出此門有悲往事收京有感諸作沈痛抑鬱間見
 風之誦之感語深何止
 陵之旨感詠何止

明治二十九年丙申 十九歲

小田原覽古六首

極目蒼茫暮川原莽欲愁驚風飄鳥鼠落日下梧楸城
 郭依山斷江潮入海流豪華何處在天地一漁舟
 樹色蒼山古濤聲撼海城廉頗茲用趙劉備固依荆日
 月扶金甲風雲捲旆旌鶴岡纔咫尺回首暮潮平
 塞上暮雲苦城頭殘日哀寒鵬迷睥睨老樹失樓臺今
 古英雄盡江山圖畫開金湯祠廟在虛壁起風雷
 關左孤城戍攝西卅萬兵轅門飛鳥落幕府大旗輕白

日山河裂寒花堡壘明唯今消畫戟壯士事春耕

桓桓三世業駕馭攬英雄祇賴中興力非關大國風戰

聲函谷雨霸氣石橋虹社稷付豚犬空山闕寢宮

千峰銜夕日餘照尙關河不識青山少唯看白骨多往

來諳地利成敗在人和悠悠江上者月明聽權歌桂湖村曰

筆力遒健麗藻雲布造句之妙時類薩雁門而雁門鮮

此蒼勁沈鬱之氣要之通體似乎規樞老杜格度豹軒

逸才絕人巖畔孤松矯矯倚天王弼州所

云屹爾樹立卓然不羣者蓋不是過焉已

逐北直過古埃西

河中島懷古四首

碓嶺西開是信州空原無際大江流一時龍鬪震金鼓

千里黍離鳴雉鳩翁仲遺墟春樹綠將軍殘堞夕陽愁

吾來欲問當年事古渡月明空釣舟

河嶽糾紛形勢雄兩軍曾此角刀弓龍蛇盤地秋霜白

旌旆連天曉日紅邊境空招多壘辱中原未奏止戈功

沙場百戰何攸得不見驂騮向洛東

茅土參差漢室微葵心固欲護龍旂八州封微軍前改

三越風雲馬上飛草木皆兵生殺氣水雲無迹托禪機

千年行客仗孤劍猶見山河映鐵衣

沙磧曾經劍戟同汀煙峽樹鼓鞞中江流長想軍聲壯

嶽色空餘霸氣雄遠浦寒潮嘶鐵馬斷山斜月掛瑠弓

何人忍唱能州曲清淚哀笳飄晚風桂湖村曰謝綺巧

邁往之氣出之嚴松瞻詠古諸篇多敘事行議論河

嶽茅土二首蓋襲其法確嶺沙磧二首寫景中敘事松

新華詩錄 卷一
瞻以往外開一於生面嘆服又曰豹軒天才俊逸其詩警健
其所造詣
豈易測哉

秋感二首

白露桂風夜氣清音書不到雁無情幾回照得人將老
一半愁心在月明
七年未慰倚閭情殘月疎桐旅夢驚卻恐秋風入鄉樹
使人憐我斷腸聲

丙申秋夜感懷寄習卿兄一百韻

秋風拂林樾涼露摧蕙蘭孤鴻度關塞遊子滯江干天
地氣肅殺日月如跳丸遠望浮雲外悲歌熱肺肝君在
越山北我在武州端武州今帝里禽獸昔盤桓平原靈
白日陰風草木刈英雄起大澤兵馬迴狂瀾荆榛開霸

府父老見衣冠君臣修禮樂文章三百年羣侯賜邸第
雕簷雜畫甍歌舞煙霞月樓臺車馬煙繁華倏爲崇沙
場鮮血羶大軍西南起勢若蛟龍蟠今皇鸞鳳質黼
黻伊呂賢晉文自辭隧周宣果淵淵乃聽婁敬計東遷
寶鼎安九重宮殿壯霞表楹桷丹庶民來城郭巷陌塵
埃連誰重鄒魯道唯爭子母錢管鮑交情薄陶猗競羅
執擠人陷穽裡投石袖手看我輩固聞道何敢共笑歡
茫茫八極外斯道我行單天涯誰知己舉首問昊天或
思隱巖穴未屑追神仙思君育英樂笑見講堂鱣五經
探堂奧諸史互論難有時風舞雩朗詠浴沂旋春山衝
蛇虺秋郊放寒鷗琴窗曉鐘冷書帷夜月圓莊周畏犧
牛邵雍哭杜鵑乾坤存同氣雲雨阻重巒黃花空入夢

紫荆幾枝殘 鶴鶴已分散 橋梓悲黃泉 天未弔我輩 故
使發長嘆 我性愚而懶 最被父兄憐 深背趨庭訓 疎放
羨杏壇 孤劍遊上國 百事總汗漫 登樓空王粲 彈鋏又
馮讜 偶然歸故國 家人共團樂 一喜我長大 總忘鬢如
潘 親恩誰得解 嬉侍藜藿筵 綵衣未能著 何以戲堂前
問我客中苦 恕我平日愆 與君共行樂 深覺慈恩寬 因
意侍慈嚴 泛海至角田 角田邑名 寺泊至角田 長風吹
沿海數里 以水石勝聞 鰈海峭帆朝 叩舷劍嶽嶽 巖秀大海動 日寒波濤嶄 巖
屹積鐵紛 雕鏤老木翳 鳥道怪禽叫 飛湍洞龕甕 罌裂
樹倒藤葛纏 雲蒸虬龍怒 石崩劍戟攢 鬪峽爭一瀑 河
漢虛空懸 猿狖墜嵌竇 澗壑呀聯蟬 魂驚生叢響 檣烏
翥翩翩 決眦去鳥外 佐山大於拳 黃雲連秣鞞 落日接

三韓海內餘 奇勝我輩獨 專權當時親 猶健恨筆不如
椽 至今一思此 中腸似熬煎 我復辭膝下 霜晨解征鞍
父曰勿誤道 母曰且加餐 君曰報家國 我獨向日邊 孤
驛愁不寐 野店夢相牽 客樓漫散帙 堪讀陟岵篇 遙聞
雙親健 旅愁足少痊 夜雨冷徐榻 晴雪薄蘇氈 一朝夢
魂惡 得書我心酸 關山如飛度 道路奔且顛 上堂謁慈
嚴 薦藥意千般 當時知有此 我豈玩文翰 慟哭泉石咽
涕泣 湧百川 慘淡屬續意 青山空蓋棺 日月慘無影 松
風徒珊珊 蘋蘩何處採 琴瑟爲誰彈 唯今君與我 生死
何可拚 慈萱漸將老 侍歡宜擊鮮 往者去不返 居諸何
若遄 欲忘不能忘 中夜每惘然 天地共寥落 憂苦或前
緣 木落秋霜白 千里望眼穿 嗚呼乾坤裡 幾人姓名傳

願慙罔極德低首淚潺湲不負子路米不著祖逖鞭屨
 被蛙黽笑空期鷓鴣搏幸無傳家祿萬卷書蟻岵文章
 與道義操守當益堅生不能報父關邪我分全泉下定
 一笑弘道輸微涓潑潑淵中魚飛飛天上鳶細以推物
 理終極信團團朔風飄鳴雁寒皋露方溥鷓鴣叫老樹
 高樓獨倚欄北塞飛白雪陰鬱冬意闌北堂短檠下應
 夢孤客眠願勿夢墨水我在劍嶽巖人事多衰盛世事
 常變遷遼海纔寢戰臺南蝥賊專廟算固難測孤客淚
 漣漣棄置無復道寄君一幅箋雲外鐘聲濕寒空月娟
 娟桂湖村曰近人詩集大都多近體少古體雖有作者
 不上數十韻也豹軒搖筆揮灑輒成此百韻洋洋纍
纍桴鼓互鳴鐘又曰昔人云長篇敘鋪敘有法起結齊整
 實雄視詩壇矣又曰昔人云長篇敘鋪敘有法起結齊整
 方為合格軒又云近體雜古體不應有其所自古體雜予
 索然盡豹軒折肱斯道者固應有所自得何須予表出

又曰夢魂惡一段悲惻傷懷真堪隕涕辭發于情者動人如此

雜詩四首

征清諸將奏奇勳烽燧暫休遼海雲尙覺國家深患在
 山林不放馬牛羣
 朝廷似畏犬羊羣八道韓山半夕嘯一自肅陵葬金盃
 何人灑淚弔檀君
 何人灑淚弔檀君遼海戰場空古墳聞說胡兒來牧馬
 黑龍江上盡陰雲
 玉殿彩霞魚鱗分六龍晴出上林雲 君王朝御青山
 野親賜旌旗號虎軍

丙申除夜

椒酒辛盤惜歲華天涯佳節益思家瓶梅欲插還惆悵

此是先人遺愛花

明治三十年丁酉 二十歲

丁酉新年偶作

一穗殘燈枕上青
東方漸白淡明星
今朝自有先人例
端坐雞鳴讀孝經

得習卿兄信一月八日

衫上不乾舊淚痕
文章經國志空存
江城風雪破窗底
夜夜慈顏入夢魂

正月十一日 英照皇太后崩二月二日靈輜

發東京將葬于西京泉山

青山玉殿鎖嶺巖
萬里鶯花仙馭遙
偏恐東風吹綠早

月輪陵上草蕭蕭

蟬四首時在長岡
讀白詩

風吹楊柳樹日轉
葡萄陰書倦箕踞
坐鳴蟬不停吟一
聲西軒竹二聲北
堂林感彼微微物
起我讀書心
高樹鳴蟬急孤窗
斜日涼蟬鳴一何
急景促心自忙西
風飄梧葉嘆矣楊
柳黃少壯不努力
蟋蟀入爾牀
窗前楊柳樹窗下
讀書人爽味對縹
軸已至夕日淪朗
朗聲不斷蟬聲共
相親蟬罷羣動息
余亦默養神
平生憎蟬噪今日
愛蟬幽愛憎中自
變苦樂外何求彼
以效其職盡日鳴
不休榮枯任天命
霜隕豈悲秋

雨霽九月十日
當古中秋

雨霽秋天碧東山
纔咫尺愛此山色
清籬邊聊移展明

月出虛空照我山下宅餘暉散池臺露華綴瓊壁良友
雖不同幽景心所適雲行我亦行目送冥飛翮徘徊嘉
樹間脈脈終遙夕

口號

去年今夕客東京今歲今宵在故鄉同是青空一輪月
今宵無限向人明

兜城長岡城名懷古十二首

西徼陰風動地來行空萬馬捲雲雷越山還有男兒在
氣壓扶桑海一杯

漢兵苦戰大江西今日楚城入馬蹄料識君臣無限恨
亂山花落子規啼慶應四年五月十九日城陷

猿橋河上陣雲開狼火滿天鐵壁摧城北城南盡乘障

紅墩復照舊樓臺七月二十四日晚復長岡城

北陸殘兵易骨炊分明城上樹降旗枉將昨日倒戈手
牛酒笑勞天子師

眼中何有薩南兵三十六藩已會盟君去霸圖長寂寞
至今風雨古碑鳴河合蒼龍

白馬金鞍曉出營軍前馳突萬人驚紅顏就縛從容死
不數唐家老杲卿山本帶刀

北流活活大江喧平野蒼蒼接劍門磧上觸躄急於礫
秋風吹起古關原關原與兜城相對

兜城西望暮煙分月黑空原鬼火紛破壘已消金鐵盡
陰陰殺氣結黃雲

澤國空江碧玉流巖花落日水悠悠白雲已變青山郭

喬木依然金殿秋

古戍城荒失羽旄風煙滿目盡蓬蒿空壕猶賸昔時色
出水荷花十丈高

四海江流已一家平原暖日帶桑麻行人指點寢園路
腸斷空山萬樹花

悠久山

長河一髮破蒼穹列嶽崢嶸圍壽宮三百年來多少恨
江山如此闕英雄

桂湖村曰雄鷲之筆不入驚礫一路
字句為過華麗辭或勝意雖然視
之開口即帶倭習者何曾零壤

賤婦辭

僕聞野老語為感作賤婦辭

棄兒走者母牽衣叫者兒兒也有何罪兒也棄道遶禽
鳥懼覆轂誰能即別離我有刺骨苦兒實不可隨借問

有何苦賤婦前致辭妾家總八口舅姑在庭帷賤妾年
方笄良人為結褵桑耕曾不怠悠悠白日馳長女固娉
婷二男體貌奇闔鄉羨有子歡情誰得知禍福如糾纏
倏忽易喜悲欲語吞聲哭低首雙淚垂憶當甲午歲
君皇赫興師大男度遼海颯爽酣戰姿旅順衝鐵壁威
海折牙旗金印未入手寒月照枯屍青山瘞遺髮夢寐
信將疑臺賊又蠶起次選中男之中男觸瘴死相逢竟
無期長女又亡命頑童竹馬騎憂苦同逼迫天地悲風
吹瞻望松楸路啜泣無輟時生已無怙恃死當饒娛嬉
一死寧所厭雙老鬢為絲良人罹大患藥餌誰扶持纖
手養五口家貧力難支人事已為崇況遇天災滋去年
河水決沈稼盡枯萎平地上為岡高岸下成池潢潦漂

構墟泥濘沒堂基今年雨淫霖嶽崩壓簷楣舅姑良人
仆母兒免短籬殘褐纔蔽膝餽塗絕自茲欲泣淚既盡
標心怒如飢生命偶然遂遇此百憂羈日月不臨照天
道固有虧往將葬魚腹此恨當告誰欲去還回顧哀哀
裂肝脾三年不能死偏唯為恩私愍汝永執獨魂魄遠
相追上報君恩渥下存堂構危努力為男子去去自此
辭桂湖村曰杜子美新安石壕新婚無家諸篇述軍興
悲意苦不為明刺而諷戒之旨詳矣末段
殊悽慄觸目傷懷如此乎詩之能移人也

詠懷四首

北登越山岑南望武州城曠野一何闊浮雲千里征疾
風飄白日玄陰曠其明離獸挺不返傷禽弦音驚斥鷃
蓬蒿下一思鴻鵠鳴如何戢逸翮巖穴老耦耕

男兒蓬桑志駕言遠出遊不逢悲歌士中道旋其輶登
高望四海長河漫漫流洪濤怒日夕崇山鬱以脩悲風
迴林谷陰雨莽不收焉得傾天漢霽霈洗九州
獨坐空堂上戚戚發歎嗟彈琴不為調落月戀巖阿熱
淚紛滿把蹶起視星河徘徊先坐側秋草一何多歸來
坐待曙日出還如何

春風桃李豔綠條漏紅曦有糟食其實主人不曾窺萬
物各營生白日無照私小人狎殊寵君子不利糜亦各
從所志何必辨滄溘勿傲於陵子鄒賢嘗言之桂湖村
曰隋簡

杪秋登春日山六首

公昔猶年少登高瞰九州慨然收霸氣允欲塞王猷弓

之辭以清剛之氣行之如不禁壹鬱者此原本阮籍願
作者意在學之然氣味卻近于北地萊陽擬古諸詠

影月晨落劍華星夜流至今河嶽勢自為向西周
 朝過荒水渡暮上越王城蝶海秋煙盡燒山落日明英
 雄還古廟天地擁空營鬱勃兜鍪氣千巖雷雨驚
 孤峰翠巘迴峰外曠原開雉堞今禾隴葫田舊射臺牛
 羊秋日盡樂鹿夕陰來惆悵醉荒寢江山落酒杯
 大國雄風滅秋光入畫圖人煙平草木野色老颺颺蕎
 麥城濠合莓苔殿瓦蕪猶疑荒堞上亂霧戰旗趨
 鐵壁雲煙起悲風掃壘門秋陽頽積氣獵火走高原狐
 兔虛戎幕草花自畫旂不看橫槊士莽莽兩儀昏
 亭亭春日壘四顧不看人孤鳥下暝野蒼煙沒遠津亂
 山尋劍戟寒雨灑荆榛猿狖林叢叫登臨一槍神桂湖村曰
豹軒以俊逸雄健之才行盛唐響亮之格故宏麗蒼沈殆得此體之正路視之夫學元和而後雕章間出平冗

漫漶骨力大相徑庭者遇然一端矣秋登春日山六律可以觀其一端矣

送人之金澤

聞君將遠邁吾亦發離憂共臥短檠夜孤望明月秋金
 城輕敝褐荏土重華翰意氣莫相棄暫別不須愁桂湖村曰
一氣貫串不見補綴之弊起二十字景事融合情以運之所以不易獲

自瓊浦回望芝山諸廟

武州城郭翠嵐霏景物蒼蒼事已違錦纜嘗聞滄海戲
 雕梁早見暮雲飛秋風石馬又今古白日銅人無是非
 乘輿出郊卻歸去三山殘樹正斜暉桂湖村曰雄鷲豪
祖徠南郭學明專奉尚王李所以招膚廓之讖今豹軒學天錫則庶幾免此讖

雜詩九首

沐猴被冠帶木石着繡裳授之刑賞柄坐之金玉堂權

威何赫赫羣醜拜道傍門填駟馬客庭連羔雁耶卑人
過奴僕負氣侔侯王焚桂餐珠玉犬馬飽膏粱雕牆高
百尺下有餓死氓知之不忍濟還遊歌舞場酒肉積如
岳絃管湧紫房美人顏如玉紅袖輕翩翩睚眦驚綺豔
日夕罄金觴千金買嘖笑萬金買啼妝黃金不足惜唯
惜樂未央昔聞齊孟嘗賓客盛東方一感雍門琴血淚
灑象牀若使此儔見徒以爲癡狂

惡木壓高嶠先承太陽光芳蓀隱澗澤每苦饒風霜芳
蓀何有害惡木固無香所托然乃爾非關質臭芳所以
名利輩譏詔互相狂

蒼蠅集腐臭飢鳥爭爛肉萋斐成貝錦陰狡間心腹錦
繡掩陷穿排人奪其穀何存釐毫公覲然大私屋所以

吾黨士塊然守幽獨

小人日陸梁君子日沈默獨善雖誠宜何能益家國須
結覆天網掩奸投有北或磨斷犀劍斬佞界鬼蜮勿裝
太潔姿起救天柱仄

孔丘說兼濟往往論行藏間發利己說時入老聃場世
有僞君子逃入山林鄉藉口世無道徒食費稻粱可以
比禽鳥我輩私自傷

君子居濁世聊抱濟時心夷齊不足取孟軻私所欽惜
彼餓死骨盍伏白刃陰一身忘生死何況戀朝簪稜稜
存圭角戰國可高吟

芝蘭雜荆棘野雞交鳳鸞驅雞還瘡鳳伐棘又傷蘭雞
棘宜遄去蘭鳳恐殺殘我有千斤斧凜凜毛髮寒踟躕

不能下思之摧肺肝

韓信受餐日市人拍手笑買臣負薪時妻女請再醮丈
夫有所期忽然脫樵釣逢時與不逢豈有他玄妙笑殺
乘高車凡眼徒炫耀

蓬蒿被大陸金鐵不可耘松柏放初蘖馬牛躡續紛苟

無弘毅志焉棲枳棘羣將我一杯水救彼與薪焚舉事

縱不成衷心固欣欣桂湖村曰李晉寧唐詩觀瀾於其

步趨唐人此言為千古正鵠若遺漢魏而唯學唐則

風趨斯下矣況於唐以後乎豹軒難詩九篇其所志尚

固亦在此初章未脫盛唐氣格餘章屢近乎古域

惟夫英氣有餘渾涵不足圭角太露似可惜使少養從

容廣大之氣象則

何管此云乎哉

再造乾坤歌

維昔女媧時天柱碎兮地維危渾沌頑洞不知有草木

何況有蛇龜戲弄黃土擲虛空水石撒振生河山有物

蠢爾名曰人間爾來三萬八千歲紅塵幾回颺江海余

亦已生天地間日夜慟哭怨真宰人間污濁不可濁嗟

余有何辜真宰憐余清白質使余修變化術一夜為月

光飄搖度混茫金銀耀映盧家堂緹幌翠幄玳瑁牀西

施雲鬢垂蟬翼何郎玉面截鵝肪綾被錦紋雙蛺蝶繡

裙追隨兩鴛鴦阿閣三重連青雲康莊斜走侯王宅金

門玉闕丹腰壯碧瓦鱗鱗凌紫陌直過綺扉隙清輝萬

斛散林澤晝筵銀燭珠簾遮屠龍割麟鬪瓊液余浮金

杯化綠蟻穿鑿肺腑探血脈丁公昔拂官長鬚暮夜黃

金散似石青雲一攀意氣揚臧獲三千履珠舄豈知身

上紫金袍盡出機頭寒女帛鞭撻夫家催輪租杼軸蕩

然酸骸骨峩冠大帶白日間夜間往往酸魂魄魍魎
 魏窺璇題空中大笑動畫壁顧念原憲家門前不見長
 者車氣尙萬古臥蓬戶德尊一代常轆軻坐叩空瓢時
 鳴鳴使余空照幽巖花世上風塵何曾到山中松柏宿
 丹霞延余苦死留忽爲黃雀隨曉鴉黃雀何處飛飛到
 老農圃秋色荒涼隴雲青牛羊遠近細徑古肥果纍纍
 垂朱殘脩竹千竿拂屋宇頭白衰翁臥病牀垂髻兒童
 意何苦空原一犬吠頽陽欲往從之家無主暮作餽粥
 供乃爺朝拾橡栗易酪脯富家頑童侮貧賤拍手高歌
 唾竹塢余憐其孝心銜來遺穗懸其堵嗚呼何故小人
 翱翔君子陸沈富者逸樂貧者哀吟不義鐘鼎有道山
 林孝子乏糝姦人炊琛天若有情天應泣地若有心地

亦霽余不忍長見之試爲風伯長篋颺雲霧霽乾坤深
 山大澤哭蛇蟒擺落巖石猿猴號變轉窟穴鼉鼉吭大
 嶽忽吹坦如砥洪濤怒立三萬丈地軸動搖星躔紛六
 合之中失土壤余請眞宰再造乾坤水清山秀動植孳
 蕃百花爛漫黃鳥翩翩驅白鹿乘華軒虹蜺旗日月旂
 右秦母左吳媛佩瓊蘭餐芳蓀排朱闥入天門琴瑟和
 笙磬喧鳳凰舞麒麟奔其人皆君子余亦復何言桂湖村曰
近時詩風不繼曼則頽唐不爛熱則卑俚約軒獨高拔
流輩別具鑒裁昔人所謂張以太陰之弓射以枉矢腰
鼓百面破盡蒼蠅蟻蜂之聲者其平生所作尤似天錫
學子美之什至此篇則奇思盆涌怪辭肆雄破李賀盧
同之膽剔馬異劉又之體
與伯溫二鬼在元季問矣

步出自北門行

烈烈嚴冬氣肅肅搖我耳回聽振木葉亂電舞遠沚步

出自北門忼慨登故壘墳衍紛繚繞丘陵互秀峙蕭瑟
墟落煙百里黃雲起鷗鴉鳴槁桑狐兔戲荆杞九族不
可瞻唯見雲與水有殺可以食有酒可以使嘉會誰可
俱哀哀獨遊子軒冕不足願賢愚同一死不若謝風塵
萬年臥桑梓

桂湖村曰茹痛含酸之極歸于夷曠超達字字力厚思沈有弘正大家之風

丁酉歲晚二首

樓船峩軻駕豐隆岱嶧河山指顧中豈識頻煩回紇馬
蕩然將見冀幽空白山霜勁皂鵬急黃海風高胡馬雄
為語西隣諸將相失猷自古是和戎

西來殺氣壓山東羽檄紛紛驚塞鴻慷慨書生猶按劍
縱橫猛將早乘驄廊廟自古誤邊策湖海至今饒內訌
稍喜艤艫能水戰大旗落落射波紅

桂湖村曰二律勁驚豪宕有關治亂

之作宜其言大而普也空同秋興雪苑春禱房雜正同
其授與宋犖所謂尋常宴集動引國事閨中禱房雜正同
風塵者斷不可比類也

豹軒詩鈔卷一

豹軒詩鈔卷二

北越 鈴木虎雄 撰

明治三十一年戊戌 二十一歲

戊戌新年恭賦三章

苑外鶯啼靜碧穹
 禁城春色五雲中
 金莖露淨高擎日
 玉扇花明暖惹風
 翡翠珊瑚通貢使
 菁茅橘柚走羣公
 唯緣 皇上宸憂切
 萬戶垂楊鎖漢宮

金闕春回麗彩霞
 舊京一望尚堪嗟
 偏思碧澗侵幽壑
 肯忍彤庭玩物華
 衛府六軍空秣馬
 侯門七貴漫脂車

微臣又有西陵淚
 半捲紅旗鞞黑紗

講經當日問黃牛
 聞說 春宮狎海鷗
 古道寒花拂銅

輦晴天淑氣繞龍樓玲瓏嶽雪銜簾出縹渺煙波湧檻

流父老皆存獻芹意金甌無缺帝王州桂湖村曰戊戌開歲諸老先皆

難措詞豹軒一揮毫則篇篇切當時事確不可移易而辭氣渾健聲響鞞格初唐麗藻盛唐格力兼該有之步

趨尤近老杜一唱三歎諷誦不能絕口

聞朝鮮大院君李夏薨四首

君臣相顧眼難開玉几淒涼血淚哀鹽鐵悉隨夷狄盡

弓刀誰使蒺藜摧洞陰雲惡龍空蟄塞北風驚虎欲來

慟哭滿朝振殿瓦搖搖落月下宮槐

毀譽笑付世間兒尤物爭將成敗規道辨華夷頗有氣

業淆王霸亦何奇獄門陰雨盤骸骼海島酸風捲甲旗

俠骨稜稜高萬古崢嶸一片戰和碑江華島之變大院君建碑京城曰主

戰非和主和賣國主和者皆股慄從命

胸裡風波怒不平巖扃日月奈澄清坤寧殿草飛鮮血

雲峴宮狐叫亂荆自古厲階緣外戚至今尸祿是名卿

何知窳窳非為福鞞鞞西望更愴情

鼎湖龍去墜天弓箕子山川落日中宋室夾攻非遠略

虞君貸道豈奇功本朝冠蓋人皆盡漢水風煙花自紅

倚劍浩歌因灑淚腸迴亂世哭英雄桂湖村曰大院君韓國人豪今也亡

矣四律寄感慨于敘事行議論於典故頗致愴切之意又曰諫園李王學衰弱宋徑露之派汎瀾滿清纖曼之流

漸漬風氣日變而倍有趨下矣豹軒當楚人衆止之餘作壯大聲格迥氣健有起鶴落之勢吁觀止矣

雅頌一篇凡十二章四月十二日

昊天蕩蕩四海沸亂王事靡腓胡而若爛凡民之蹶弗

瑕有難

昊天蕩蕩四海流離虔秉鈇鉞變伐東師執訊獲醜獻

于王帷謨假既艾宗室孔恢

王曰於乎庶尹御事淑績 先顯王懋濟厥美茲暨
朕躬喪亂薦起喪亂既除九譯來會維 朕攸宅斯國
之裔能揆土中 朕將遷都乎東方止

漣澗惟卜侯卜云吉陟函關矣望總與武降觀于毛陸
與奧羽大山巖巖河水鱗鱗墳衍膺膺麋鹿牲牲宜桑
宜麻宜栗宜榛

我馬既駕六轡在手驅車悠悠言極京口斯作王宮厥
成弗舊巨浸維池崇山維牖虔柏斷松鬱林爲缶楹藻
維何維山維海苑卉維何維葵維柳層城奕奕五門有
彩舊貫弗毀新模孔阜

迺頒大憲宗子爲 后六典恢張廟謨深勳懷徠遠人

愍此獨婦舟車攸通萬邦爲友

歲之敦牂西土作艱 王命方叔爰撻夷蠻大旆央央
戎車閑閑發礮鞀鞀伐鼓闐闐燂燂殷殷如雷如霆貔
貅百萬翺翺朔庭奄有臺澎邇貽典型載橐弓矢舍駟
遐駟越若三年萬國咸寧

洵民之綏惟 后之錫鑠矣宏猷弗顯天迪我懷厥讎
世而靡及維斯良辰民之攸臧王鼎戾止王武揚思天
之休也地之祥也

百卉萋萋春日孔陽朱萼炎炎好鳥嚶嚶俶載皇堦率
幔築場卍角台背執筥執筐顛衣倒裳載起載僵
我后之故奚爲弗觴 我后弗豫何以救喪臨康衢矣
跂言遠望四牡踳踳龍旌颺颺 我后格思鸞聲鏘鏘

上下迺祀馨香馥馥昭假于天各受多福此有美醇彼有梁肉既醉既飽白日亦孔速

蔚彼景山松柏丸丸澹彼洪江春水泱泱洵 我后之

德之純嘽嘽翼翼丞丞皇皇天錫純嘏 萬壽無疆湖

村曰堂皇肅穆莊麗典雅其渾而噩似欲學于典謨其閱而古似欲學乎雅頌韓柳雅之後這種文字世乏作者又曰百卉以下寫庶民醉德之狀俾讀者坐於和氣春雍中清廟弦歌豈亦多過之哉

雜感二首

獨取膠州灣露取旅大我兵將退威海衛

而英代入其壘矣又聞露兵入滿洲英艦

守舟山羣島

朔方妖氣擁中原聞說魯齊又動旛玉帛唯言魚水約

干戈久蓄虎狼魂秦兵強暴偏侵晉遼馬狡陰不抗元

誰賴擬為恢復計西望痛哭淚頻吞

遼山一割恨何消滿眼徒教胡馬驕勢去急流空覓劍

握來西畝卻枯苗松花江上朝看日揚子津頭暮候潮

南北風雲稍欲動紛紛淚落侍中貂桂湖村曰二律巧

其氣沈鬱後四思俊逸確非此音耳其暮春雜詩云接連遺山夢陽後四思俊逸確非此音耳其暮春雜詩云接連烽火榜孤城豺虎公渤然陌上行赤羽飛騰晨避澤黃巾承平日不故事莫此威就迨閣觀豹軒詩故特錄出云

五月七日三首

五月七日清國悉納償金於我政府我兵

將退威海予甚悲將士之意焉得不悵然

賦之哉

威海何邊蕪大牙春風碧草颭楊花唯今廢壘巢無鵲

依舊空林幕有鴉鐵騎斷雲騰燕月殘兵落日哭胡沙
北人如問南人勢為道楚煙三戶家

荒城急管夕陽危回首蒼茫何所之柳外青驄嘶劍戟
花間乳燕繞旌旗將軍置酒把杯舞卒伍踏歌彈鋏悲
重問劉公島邊壘亂雲莽棘沒崇基

嗷嘈鬪艦捲陰雲渤海天穹半夕嘯北望鬪餽迷苜蓿
春來風雨長榆粉畫欄泣拜還遼詔寒帳每語棲越文

不莫中原恢復計朝廷弗用岳將軍桂湖村曰運之以沈

勁氣每篇不雷同而饒有新意響亮鏘鏗鬱為偉觀今

少就句論唯今廢壘無鵲依舊空林幕有鴉不典而

慨乎獨體迷青驄嘶劍戟來風雨長榆粉旌旗不麗而整乎

北望乎獨體迷青驄嘶劍戟來風雨長榆粉旌旗不麗而整乎

鐵騎斷雲騰燕月殘兵落日哭胡沙

先考祥祭書懷凡二章四日

則鐵騎斷雲騰燕月殘兵落日哭胡沙矣

玃玃黃鳥集于西岡其鳴哀哀思彼黃壤天兮父兮德

音不忘

玃玃黃鳥集于榛棘瞻望墓門悠悠予惻父兮天兮蒼

天罔極

雜詩六首

豺狼被四海

豺狼被四海虎豹蔽千山前叫者玄熊後號者獐犴地
亦不可沒天亦不可攀捫心東西顧一夕頭為斑吁嗟
愁無極踟躕天地間

佛鬱復佛鬱

佛鬱復佛鬱殷殷攪亂心心結不可解臨風薄長吟黯
黯天地色嗷嗷霜翮音蕙蘭從風飛鸞鳳隱密林日夕

約軒詩妙 卷二

欲從之風波一何深

喬木百尺圍

喬木百尺圍翠蓋遮日暈根本夕朽蠹朝覩揭已債輕
德重權詐政緒增淆紊南溟大鵬翔北溟海方運我脣
久已焦日日還自奮

蜉蝣以羽愛

蜉蝣以羽愛蛇蝎賴文淫威儀卒反反善人載佯瘖憂
患豈在明狂豎非所任踏冰待白日危亡安肯禁羣小
顧我笑默默淚霑襟

濫觴能載舟

濫觴能載舟輕翻又飛肉漸漬之可懼旦暮為禍福媚
權金齊山逆勢血漂穀衆師亮無罪災媒是寵祿不罹

災維何不忘在溝壑

疾風吹大野

疾風吹大野妖氣互長林霜雪殺豐草矢繳苦麗禽鹽
梅誤和羹變理訂徽音蠖蝮千象緯紫微竟陸沈鯨吼
北海裔虎嘯南山岑拔劍擊大荒為君靜氛祲斬水水
更流拂天天更陰自古唯如此嘆息浩至今桂湖村曰
耿介高潔
怛僚伊鬱馳騁豪逸之氣飛揚踏厲之才其音古雅其
格沈雄精光餘爛爛麗天試按節歌之有遇雲裂石
之響自非習熟之
魏六代何以有之

謁三峰山祠 八月

古廟千山上鬱蔥喬樹林天空平磴下地氣宿廊陰晝
閣丹青落繡簾龍虎沈夜來清磬發宏殿一燈深桂湖
村曰

豹軒詩動墮講學習氣此篇雅麗高華令
弘正諸人不得擅美駸駸乎風雅之遺哉

峽中懷古二首

路入峽中雲日頽秋風下馬弔蒿萊不聞孝子能欺父
唯見英雄舊築臺廢壘霜寒黃草合空壕水落白蘋開
千年此地豪華盡遺鏃徒糜野老哀

百里封疆草樹殘城池金湯守何難晉陽何合繭絲備

趙簡子吳地爭教豚犬千日照犀河玄甲壯血霜長篠

畫鞞寒猶餘父子雄風在菩薩嶺高雲氣盤桂湖村曰

體格華整不似木革之音如搖鞞者是為懷古上乘

昔者岳東海二律專以議論行之今此篇寫景與敘事

慧林寺

紺園紫氣夕氤氳天德峰南秋日曛無復千乘求法雨
有時一磬響香雲山猴獻果華髮動野鴿歸巢戶網分

二十四墳荒草遍行人何處弔將軍

侯嬴歌

周家寶鼎辭鎬京天下辯士談縱橫魏王唯恐秦恫喝
時危不救邯鄲城信陵尊賢因虛左就中傲骨是侯嬴
談笑立決救趙策慷慨偏嫌帝秦名侯生門客字朱亥
袖提鐵槌鴻毛輕繡帳已竊臥內符鄴下橫奪晉鄙兵
王齕將卒散如霧函關不聞秦人聲功成富貴隨所致
丈夫何敢戀簪纓引義拔劍從容死回首大笑白日明
秋雲一片高不落下瞰羣嶽何靡靡君不見魯曹沫又
不見趙慶卿壯志大功非大異高蹤清芬何可期周秦
人物幾千萬唯有魯連與范蠡侯嬴與之為鼎足事業
千秋涅不淄道人作歌頌其義斯心何有俗人知桂湖村曰

毛西河論詩指摘時弊云如吳下清客門巷竹扉蕭蕭又如貨郎兒攤多盛盤骨董小有把弄氣盡矣此豈夫用膠清刷鬢踏研光襪以自為美好士能忌庸俗惡織夫所為者方今詩風亦稍似西河時其能忌庸俗惡織軒弱以氣為主如豹軒者有幾人乎

戊戌詠懷雜詩二十七首

歲暮日景短窮士在蓬蒿浩歌終此夕天地何蕭條玄雲翳積雪饑鳥赴衝廳素月出雲際照見赤狐跳顧影慰孤寂長嘯望山椒

佳期眇天末欲往大江陰回軫還我廬永夜獨彈琴悠悠流水響悲風激哀音迤邐何足嘆衷心抱微忱寧為天邊孽不為籠中禽

先人在世日我齡未弱冠文字徒記誦窮理尚汗漫自墮塵網裡人情見波瀾活用豈曰得靜修心攸歡古經

久愈遂縹緗緡欲刊

靈渾宰后土縱橫盡開張曾在乾坤裡剛直塞萬方有堯不為多有桀不為亡欲字不可字隱密其所藏孔孟曰仁義曰道始老莊

靈渾生天地天地生萬物萬物生羣生根原固穆洵秀氣鍾為人衆妙於是發雜然動植羣人必司其律森然萬象行其宰歸太一太一者維何靈渾即其實

人生天地際自稱為冕冠苟不識靈渾何以足誇傳靈渾依何識靈渾唯自知人謂我能思惟此靈渾思請見惺惺處靈渾心為基

人說心與物又說行與知誰能辨心物誰能分行知皆是世俗見真見固異之撤卻差別見又入差別知畢竟

鴻濛間只有靈渾知

汎汎地上水流勢東西違已養鯉魚瘠又令鱖魚肥人
各有所信不必辯是非始唯異所入終能同所歸行行
萬殊逕共仰山月暉

儒是正大學何以不解真茫茫五千歲浩乎失涯津語
子以其要修己及治人所本在庸情至誠感鬼神

孔孟且迂闊通儒果何人我生千歲下私慨王道淪棄
絕魏晉後直往溯先秦世上徒好古講書做醜擊我輩
之好古其志在安民

仁義苟空談孔孟已欺余不容有此事我獨愛我書嵒
山濫觴水瀦匯爲瀆渠性中一點誠豈敢得曰虛衆人
未擴充慾茅塞心途目我爲空談得瓦失瓊琚

丈夫尙立志無志何能爲或立一旦志惜哉不能持一
寒更十曝營營隨物移窮達不改節坐爲帝王師荀卿
大儒說聊以爲常規

平生談唐虞自謂安中州若果有用我幾人爲伊周書
生言自大寸心不可休潛匿蓬蒿窟意氣耿清秋眇然
蔑羣小永欽魯孔丘

意常高孟軻持論卑揚雄法言雖若美實無真儒風與
爲糊塗學孰若訓詁通訓詁猶有益糊塗害大公最上
行義理一一出天衷

吾敬朱文公直接洙泗風出入道佛際竟能歸大中說
誠到精微教敬關昏蒙登高必自卑一貫問學功紛紛
孟韓後始見道化隆

吾欽王文成卓立秋旻晴簡易尊德性致知心自瑩大
程已歿矣九淵得其情鄒叟求放旨微公誰能明紫陽
滌流弊姚江萬古清

宋明文獻盛濂洛出大賢愚說雖紛涌究理鉤其玄局
束拘泥土詆排爲老禪斥鴟議鴻鵠愚蒙誠可憐苟就
大體驗羣疑總渙然

腐儒生升平覩乎食大祿跼蹐章句間斑斑頭已禿頗
憂私情窮不顧吾道盛淵博亶可寶徑行亦足玉耿耿
一片心誰能爲先覺

口能罵陋儒心豈無深憂我有不得已非與子有仇賴
于子耳強不爲我舌柔老木難被緝蓬心幸可修吾黨
鑄後生可以爲東周

二桃殺三士我輩爲惋惜謀變爲常經術數爲順適沸
亂不足訝救火用薪積急遽見君子揜然蓋其迹衆人
不可權古人我心獲

葛藟縈松柏共托高山岑葛長依松柏柏苦葛藟陰子
若與我好交情如瑟琴子若與我惡革面變其心松葛
各有性聽我葛藟吟

有士尙清潔自潔不潔世我無猛厲志焉除百代弊瑩
瑩涅不淄懷哉柳下惠狂風捲波瀾自投溷濁際雖過
鮑魚肆清芬駕秋蕙委退雜鄉愿是之謂人贅

在輅爲愚夫脫輅乃公侯貧富如糾纏榮辱不必愁人
情重上位易信肉食謀乘風聲愈大托葦巢堪憂所以
吾黨士或欲近冕旒所憂邪說塞所希我道流

隋珠暗中投下士按劍覲楚蘭江中生亂藉互凌轢庸
言服庸行猶以為危激頽風可概見世情待明哲我儔
一何少思之日怵惕

達士不慨世我固非達士無悶亦多憂誤為識字子所
跂君子儒脫略小人比血沸熱肺肝時亦愛我美亭亭
山上松泠泠澗間水自有絲竹音何必金石技須識中
和趣道味澹如此

積雪蔽曠野考槃在柴荆故人隔千里浮雲去何行
曠日之夕嚶嚶家雞鳴蓬戶關已久我心如懸旌趨出
見子到非子風雪聲

落照收餘暉長空散星斗野楚生暮煙凍雲圓遠柳雁
鳴過荒城寒雪暗江口北地異江南與子相去久明月

流光彩照子孤斟酒桂湖村曰阮嗣宗一詠懷末八句云老

氏用長嘆則未嘗論有儒學源者孔融者有槩曹植者陶潛

諸家雜詩有愴切者有強者有達觀者有槩者陶潛

未嘗著窮理之語也高軒為詩精於辨體其遺意及

不襲古人趨時尚則六朝餘響低則濂洛遺意及

其討尋又曰明靈樓絕山根集有述懷之言首亦一

其獨造又曰明靈樓絕山根集有述懷之言首亦一

二言儒術者不如此推挹之精也朱彝尊稱次尾羅九不

乎羅

詠懷雜詩十七首

百行有條理條理謂之道得道謂之德其尊軼玉寶在
天謂之道在人謂之性盡性以知天天道依人正人而
行天道其人即神聖
曰天而曰人或以為二物天人豈夫二萬物亦自一人
未知其天其說由是失人而即為天即身即成佛為天

而觀物物皆與我壹知物與我壹宇宙能事畢

人見偏局時未嘗見全局見偏則千枝見全則一足一
足出千枝驚動俗人目聖人不驚動靜觀真君籙身固
在千枝心自通一足宇宙卽我體我心統萬簇坐爲宇
宙神叡聖如明燭知之而行之可以贊化育

萬行悉爲我一髮不利人巧哉楊朱說頗失人情真人
父爲己父愛之等我親甘哉墨翟說捨己唯爲隣亦恐
遠人情儒說獨精醇愛己推愛人爲我又爲人坦坦無
偏黨交施義與仁斯道明明彰高博配日辰雖入無間
際感應如鬼神

聖人利天下小人富己堂苟知公私別則辨聖凡鄉聖
人行仁義福利徧八荒仁義亦爲利其利無涯量小人

利其屋其利竟自亡私利非真利公利卽休祥拘泥仁
義說偃蹇名利場共是世俗論蔽陷同面牆惜哉無識
者千年恨常長

我固不棄世世將棄我生被棄何用問誓期德業成俗
物雖贖贖竟當歸至誠聖人經世志憂心如懸旌孑孑
恬淡徒見之爲營營可笑蚊虻目焉能觀寰瀛逃欲而
厭世自以爲太清卻爲一身計其心不瑩瑩我輩聊達
觀幾人可同行

我希君子儒正大依中庸修德成大業乾乾敬己容何
以比清高天邊玉芙蓉異端不用攻自爲衆說宗先儒
訾老佛概欲去其癰聖人已絕四二氏亦同蹤紫宮謁
真宰傍侍白玉童天風吹鸞笙笑吸彩霞濃冥想洞玄

象李君焉恬慵紺園七寶樹金銀琉璃宮華池荷花滿
車輪散香風妙哉極樂國瞿氏固圓融等在大均裡同
室爭戈鋒我豈好爲辯不思闢異功時有不得已且爲
拂蒙茸

釋氏唯說空道家唯說無說之勸無欲立說甚縈紆人
唯慕空無乃爲空無奴乃爲空無奴借問何其愚有人
則有欲無欲則無軀有軀且絕欲其說何模糊聖人固
寡欲忘己救江湖我說有所立不必名曰儒知之見空
無空無亦可娛汪洋大海水惡濁亦爭趨是以灣渚裡
羣族逍遙愉

耶蘇相教曰生人始有罪請神因救濟懇懇勸懺悔苟
況爲說曰人之性固惡性善固是僞仁義聖人作二子

聖賢亞慨然爲世奮立說頗相似可爲童蒙訓不謂闢

天玄足爲將一陣

學問要有事無事等空言聖人揭大綱亦能示其門孝
悌與仁義至誠是其源施之五倫際其道不細煩堯舜
親九族而後及夷蕃西伯型寡妻周邦永以存一心關
家國至理極天根事近旨頗邃人少識玄真乃知聖人
說猶恐過太尊修身以治世亦是政治論人未與聖合
焉解真聖人記誦先聖語徒充蛙鳴喧於事不有益拘
泥誤疵醇我能揮金槌試舉俗人旛爲君反覆唱君必
書之紳學問要有事無事等空言

俗人執常經固執不能遷俗人執權道任術失真權經
爲俗人設權爲聖人懸迂儒卻執經俗人卻任權顛倒

經權用儒俗兩相偏孟軻誠執一孔丘重與權孔則懼
術數孟則防拘牽有立已躍爾經權皆其天

我讀希臘史文武互競榮我讀羅馬史貧富互抗衡我
讀英國史君民互相爭我讀獨逸史政教互相傾我讀
佛國史驕奢損國精我讀露國史權威縛庶氓紛紛歐
西國國基久不成徒追智巧末沾沾功利營利外無一
物我外皆敵兵王亦唯爲朕相亦不爲卿子亦不爲父
弟亦不爲兄貧富亦爲己心中無至誠是以立國本搖
搖浮雲輕寄語擬歐者拾實勿拾名

天固生我輩必用救生民先聖已覺我我亦覺後人士
以先覺任努力當及晨猛然立大者唯宜志大仁秋毫
等泰岳大地同微塵盜跖可以用堯舜不足珍塵垢鑄

聖賢其德卽是神

漢宋朋黨禍世人皆所知我輩生季世眼見小人滋小
人爲朋黨君子日陵夷慷慨誓天日挺身除蕨蕪乃結
君子黨中原樹旌旗俗子恐成敗疑懼寧其時小人烏
合集集合爲利私君子而有黨公義救餓飢英氣吞乾
坤結交少年兒貞固比介石清芳似蘭芝團結數十人
扶顛存廈危必欲建德業忱惕內自持

慷慨就死易從容就義難人長識文字當不厭辛酸一
發大悲心棄生挽頽瀾結客少年場痛飲披肺肝此事
期終世欲使百代看豈能微名利泄泄戀朝冠布衣等
將相爲相亦儉寒坐忘人爵貴宅心天爵安浮雲視窮
達英雄卽神仙

我慕廣成子舉手麾紫霞靈液洗腐腸金丹延歲華朝
披青雲衣夕巾翠嵐車逍遙飛白鹿張宴王母家我顏
如白玉微醺似桃花美女上瓊殿清裳綺煙羅各吹鳳
鳴簫縹緲天樂和七十二鴛鴦雙雙渡銀河擁我翡翠
屏上垂絳帳紗俯瞰大地下洛陽鬪龍蛇爲仙亦何益
遁逃歸舊窩玲瓏冰雪容羣穢亦奈何坐定天下計斷
紛若鎔錫天地盡震動功成不矜誇復追赤松子綽約
戲素娥

人戀金馬門我戀崑崙山崑崙有仙子千霜鮮童顏我
願得其術超出名利寰而後入塵界談笑化凶姦秦皇
與漢武躬自忘惇鰥入海空求藥慕仙依貪慳此輩不
足貴何況俗人婪功業不必樹唯戀鴝鷲班我已非其

類又異二王患忘世不棄世戀仙不淫仙措身有限際
放心無涯邊處事貨利裡遊神猿鶴間子房去已久無

人月中攀

桂湖村曰詠懷雜詩十七首淵源孔氏陶鑄羣言以涵泳其性情而發揮其才氣鏗匄融

治自成一家言其聞天地人情之微序古今與廢之理
剴切簡明鑿鑿乎如藥石之可以伐病洵非彼剪錦擷
綵描頭畫角所
可同日語也

三條驛書懷十二月

野店風雪中我今從此去君憐去時顏我願來時路依
依墟里煙荒荒前村樹饑雁叫風颺孤雛往何處堂有
白頭親淚墮成薄霧

明治三十二年己亥 二十二歲

東臺春興

洛陽二三月春色照皇州紅飛黃金閣綠迷白玉樓鮮
日麗綺城士女驅華輦鳳翔雲母蓋雉鴛金翠裘提筐
上東臬簾幙被圓丘龍吟起紫箴鶯歌轉玉喉飛花撲
殘缸歡聲驚墨幽及時可行樂白日倏西流桂湖村曰
梁如球貝

墨水觀水嬉

江頭春水碧楊柳正依游鼓樂起蘭渚簫管湧中流紅
顏人如玉永晝競漕舟奔流揚素波桂棹激皓漚碎日
紅錦散眩暈翥白鷗舟人慘不語唉氣象喘牛砲響傳
輸羸勝者齊舉矛岸上凱歌起意氣輕王侯胸佩雕金
章舉杯弄綴旒壯士起拜舞踊躍下畫樓桂湖村曰此
就所觀隨意

立題而不入但調能得雅麗舟人
慘不語以下盡態窮狀摹擬入骨

看花醉歌

有花不見有酒不飲世間怪事寧有斯人生唯當行樂
盡日暖春風拂綺城桃櫻燁燁楊柳青雕鞍郊埒緩驅
馬繡衣簾櫺徐彈箏人生紅顏須快意飽飲美酒聽烏
鳴白首嘆息又何益日沒復當繼燈檠有花不見有酒
不飲世間怪事寧有斯人生唯當行樂盡金堤灑裊人
如花玉臺爛漫花似錦今年今春不重來此時不醉買
人憫白日被酒歌且呼舉杯向天啞然駭花飛萼舞拂
霓縞驚紅駭綠戲孃孃有花不見有酒不飲世間怪事
寧有斯人生唯當行樂盡日暮人去花入衣杯中有酒
何擬歸飲酒嚼花起舞劍彩霞粉煙開霏霏花飛八萬
四千瓣高顙青髻紅芳圍酒盡人死天飈起頭上盤盤

皓月飛桂湖村曰合之為一篇分之為三詩一解妙于處天低地昂山奔海立令人驚魄動魂不能逼視

至相州鎌倉途上作四月二日

四月天氣暖處處皆花柳嫩綠涓流傍軟紅廣阪首生色齊薰蕕欣意徧飛走野平入雲水村靜散雞狗東風吹好音心馳湘南友行當尋幽境同斟樽中酒

金澤九覽亭眺望

振衣九覽亭七澤在孤亭帆影琵琶島笛聲鷗鷺汀鹵煙侵樹白海水入雲青未盡登臨興天低風雨冥

己亥季春送人將遊清國七首

魯鄒禮樂在神州好事焉須問廢邱憐爾露餐風宿志贊吾存絕繼亡謀河山萬里堪垂涕功業百年此遠陬

我亦平生填海意追蹤何日大荒投

周家玃猶已驕日晉室衣冠未渡中空嘆黃樟臨鼎鼐嘗無大澤起英雄王君定有秦庭說王君猛季子將觀魯

國風百二重關看不盡興亡歷歷入雙瞳

大江南北日蕭條虎鬱龍蟠王氣消兩漢壯夫歌出塞六朝佳士解偷嬌金陵偏恃雕龍巧西域何當天馬超客子號呼鍾阜下空城水激返寒潮

朱櫻散盡綠煙濛聞爾明朝去日東野寺連床共聽雨春城一笛忽離鴻彩雲曉落荆吳岫古月夜翻江漢風別後寒亭若相憶每依真氣望彤宮

桂檝南辭江漢流西風一劍入幽州川原莽莽黃河暮燧燧陰陰紫塞秋亂世英雄思縛狄中朝元老望安劉

行行定上燕京壘喬木景山落照愁

金縉社稷惜輕齋落日長風易慘淒寢廟松楸悲向北

邊疆鹽鐵競輸西黃雲已壓李陵冢胡月半臨馬援谿

試自蘆溝橋上望清家玉殿闕霞樓

黑貂吹斷路漫漫獨立蒼茫漢水干已自幽并瞻九土

更從遼海度三韓朝行廢壘花侵劍夕泛空江月照冠

回首惟多戰場地青山亂骨至今寒

劍斫地之概高一手惡得有之披讀三過兩目不正給賞十
山空同合爲一手惡得有之披讀三過兩目不正給賞十
指不足

圈也

遺興

兩京風骨六朝材雅頌性情騷賦才這裡自存忠厚旨
詩成一誦鬼神哀

三條驛二首

己亥初秋末驅車至三條鬱鬱前山出依依喬木消征
人新涕淚家人知寂寥潛哭呼祖母遊魂不可招
秋田茫漠漠喬樹遠霏微荒館且停襪長風吹征衣檻
前驚鳥集天外亂雲飛急雨如吾淚蒼山似母帷

觀理雜詩七首

我見西人說多似物理論雖說精神靈猶以物比計又
怪偏窮理問學爲小藝其法不必非或爲堅白困物學
日日新心學自生弊希羅上古說盡爲基督溷近代獨
國論頗與釋說蔓吹毛求其疵過誤恐盈萬翻推哲人
意創說在濟世研覃摧心肝鴻恩堪隕涕慙吾過弱冠
於道缺獻替

談古則爲高談今則蹙蹙說東則爲野說西則爲文才子與俗儒耐可棄海濱俗儒生三代將失所敷陳才子住西土當無所容身迂哉鶻突子見外未見真自反省其內自有不昧靈渙發爲條理光彩踰琳珉人各抱渾璞所貴在玉振有之未識之安在其爲人斯道自無始其大塞九垓其小入無際其真等在民識之又踐之則爲紫皇君蕞爾方寸外豈有玉京闈省內與馳外毫髮聖凡分東土未爲舊西土未爲新道若有新舊其道必不純精察西土客似多鄉愿倫往古不必隆來今不必淪時或有淪隆人豈盡不醇我自合真聖餘事何用詢綽綽天地間悠悠任屈伸今古西東別一掃若浮塵羊角搏風翮逍遙截浪鱗識天而踐天適爾望蒼旻

我先認萬殊而後知一同苟自我知論認殊先知同苟自物生論萬殊後一同一同則生萬萬在一同中見萬而忘一其智甚臆臆知一必知萬內外無不通

東方有啓明西方有長庚北方有斗柄南方有壽星日出月已沒月沒日又生億萬圓光列循環周天行焉知造化手非弄此星辰團團打綵毬熙熙戲八紘蕞爾一坤球其形似黃橙土石爲骨肉山嶽以爲皴江海以爲血動植以爲精亦是盡糟粕人獨爲神靈斯人固靈妙真君所化成真君初昏昧到人其智瑩終能識自己又認萬物情乃知心與物真君所自營我未知真君宇宙在我外我已知真君宇宙在我內頗知宇宙小豁覺我靈大縱橫盡擴延自在無朕厠須臾通天根倏忽造化

會一自知斯君萬物似幻繪

萬物非幻繪種種皆其真荆棘我兄弟虎豹我兒孫至
理要靜觀難與躁者言忘機開心眼當悟物有神
淵默觀天地欣欣心自喜白雲出東壑碧水西泚水
自無盡時雲亦流不止雲水生若斯物物未嘗死
生時固已死死時豈不生苟齊死生說而後爲達人聖
人論大易玄旨通幽明神怪雖不語公理萬古平

登神劍峰

即彌彥山是八首 己亥八月二兄同登

乾坤精粹久淵淳大嶽峻嶒此發硎旦暮陽崖懸日月
春秋陰壑釀雷霆高天自上金銀氣廣澤長吹蘭桂馨
夜半神飈驅鸞鷲煌煌降格萬山靈
神劍峰高凌日星紫嵐空翠壓郊垞四時雲下如膏雨

百里風吹送黛青丹洞無由挹瓊液蒼崖千古闕金局
我將竹杖踏巖石欲逐麀覆入杳冥

天邊遙指玉芙蓉靈祠何處白雲封俯看征鳥低遙野
行已遊鞋到半峰煙色迷濛騰虎豹日暉翕絕現蛟龍
餐風炊露脩林杪疑得仙家冰雪容

行徑紆餘嶂壁堆飛湍急峽勢將隕非時礪雷韻笙瑟
不斷谿篁過電雷一出蘿陰千樹合忽回巖角萬峰開
箕踞長嘯喬松下粲爛彩霞天外來

銀河傾注澹秋光嵐氣泱泱露我裳傍岫風生玄霧破
回叢日射紫煙藏礪陰敷玉猶堆雪潭上跳珠豈隕霜
巖曲蕭條虛籟寂瀑門疑見暮雲蒼

孤丘峰頂鬱嵌巖肅肅廟門高不危下界雲煙扶禁籟

中天日月護崇基
鎧湖秋色橫明鏡
蘇嶽寒光映素墀
齋戒斂襟趨帝宅
滿山風雨捲靈旗

高丘獨立破鴻濛
歷歷江山指顧中
階下信川榮若練
檻前鰈海淨於銅
遙峰雲裂爭翻碧
近水日摧倒湧紅
極目已知塵界隔
呼煙更欲叩天宮

越國山川此鬱隆
古今誰數是英雄
關河不改謀圖盡
兵馬已消形勝同
幾處史乘談景虎
十年野老說蒼龍
如斯天府如斯險
焉得無人贊化工

河中島覽古六首

天降豪傑宥蒸民
蹴踏東關十國春
鐵馬欲銜宮苑草
牙旗空拂筑江蘋
野人塚下燒芻狗
牧豎墻間哭石麟
一自峽兵拋甲去
魚龍寂寞至今淪

逐鹿中原氣不降
兩家交綏獨斯邦
天凝寒翠剗層巘
地曳秋藍匯大江
玄甲法僧迴組練
素駿猛將樹旛幢
英雄未遂宗周志
遺恨功歸一犬尨

霜臺浩氣薄蒼穹
義比機山更復隆
不賴舅姑欺乃父
卻將鹽鹵助頑童
平沙萬馬秋藏霧
畫角三聲曉捲風
須識廢興天意在
莫因形迹說英雄

長鎗大馬壓江隈
突騎崢嶸鳥懾回
金鼓聲振龍虎斃
纛旛影滅草花堆
秋高獵火寒還上
日落邊雲慘不開
此地十年輪輓竭
曠原滿目盡蒿萊

日鋪平陸斂清暉
霞散澄江結畫圍
昔見莎原屯繡戟
今看麥隴出朱韋
空營寒霧飄輕素
殘堡幽花吐夕緋
百二河山光景在
八千子弟壯圖違

川原鞞鞫大濤鳴滿面黃沙弦月驚殺氣銷沈千岫出
雄風斷絕一江平鼃鼉成廢帳何在楊柳渡虛舟自橫
夕亂水流行飲馬暮雲空磧幾傷情桂湖村曰稟筆凌雲硬語盤空大筆凌
以豪健蒼老為指歸音吐殺直往如搖日星辰少游評空同云女媧鍊石補天奔走百靈雷電日月星辰悉
躡爐冶豹軒近之餘子紛紛真蟲吟草間耳

擬子夜歌二十四首

種豆南山下莠長豆易喪植人庠序中三年為侯相
洛下學刀圭遊子十年歸疇昔不愛日還家鬢成絲
朝講羅馬法暮習英佛獨申韓雜蘇張堪折十年獄
鼻頭金緣鏡領下帕素絺傾盡洛女目新添八字髭
佳婿今大臣宰相舊皂隸生子當若斯庭有蘭玉砌
黃雀未為翼啄麻牝雀悲口銜真菲葉成童中學兒

十年與君交自今與君分我上玉京霞君戲高唐雲
破屋春草生宏殿紅花榮蓬窗敲枕聽天明打毬聲
腰間七寶劍白馬黃金勒昔嘗戰遼東金鷄映春旭
銑鐵艦茹鐵春粟馬啖粟借問馬與艦誰最胃量足
癡蛙張其腹狸視甚嘆服腹肚愈益張腹裂餘枯肉
岳飛八千人河南一席卷兵是不在多猛虎驅羣犬
昨日稅禾黍今日稅杼機免得吏催責籬下白薔薇
江南采紅蓮江北折梅花與附權人勢寧種東門瓜
分手青松路松露濕我衣不道淚痕點只道松露飛
問君無一語紅淚灑妾佩參差西郊雨寂寞濡茅菜
采桑南陌頭窈窕世所稀不憂妾容瘦只願蠶兒肥
去年為君婦為婦一歲餘貞孝動母子容色照里閭

有女曰羅敷羅敷天下稀與人至隴上白日見雉飛
春水澹不流激浪忽噴雪庭帷生風波總賴乃婦舌
雙角愛父母生長愛少婦天地不相知只知少婦乳
雙角愛父母生長愛夫婿天地不相知只知夫婿睇
雙角愛父母生長愛我子我子曳綺羅我親斷鱸鯉
天有北斗柄衆星森拱列家有一仁人九族共團結

雜詩四首

東嶺未生月西岫纔起雲虛白藤蘿下幽蘭吐孤芬
我行久不歸素衣化緇衣不關京洛塵只賴淚點飛
秋風鳴木葉日暮夢西洲忽至門前路明月滿江頭
松陰敲石火巖頭蝙蝠飛天風鳴蓬戶明月送我歸

皎皎明月輝行

皎皎明月輝照我空房帷天寒肅風氣征鴻夕鳴悲綠
葉損膏膩繁英斂華滋節物驚易變孤愁生遠思商飈
發林間秋聲在荆扉徜徉出我門仰瞻衆星垂平野一
以望蒼煙正紛霏候蟲藏鳴響白露霑葳蕤嗟此孟冬
節遊子獨未歸豈不思歸矣竊抱百歲期丈夫生天地
挺身當有爲沈潛耽典籍德業要有基耿耿無忝志繼
承純在斯矢當遵前聖扶起五典危自結髮以來誓欲
答丹墀艱苦豈不忍顧羞恩情私華髮隔閭里敬養久
已違誰能潔夕膳日夕侍慈闈延領望朔方浮雲互參
差依月寄我懷欲照舊茅茨依風托我語欲近北堂陲
情集胸臆逼熱淚紛交頤素月臨我面無由遠追隨安
得晨風翼逸翮千里飛

梧桐生朝陽行 凡十
五解

越之粟縣有少女孝而美出爲屬邑某家
之婢有私行遭主家譴赴水而死予嘉其
有知恥之志又悲其不學禮而殉情竟至
喪節然其孝其誠有多于今之所謂士大
夫者爲翻作梧桐生朝陽行

梧桐生朝陽上棲雙鳳凰顧眄遺光彩
囉囉共翱翔靈出陽谷翕絕啓陰藏
綺霞照衡門丹氣臨西廂廂下有少女
新醒方降堂楚楚修芳姿步步生輝光
芙蓉出秋水天成不借妝冽風吹綠髮
素足履繁霜出門向郊野提籠上東岡

東岡何巍巍行行迴林杪風色萋以黃
天寒木葉少星

宿互出沒皓煙正繚繞陰坡拾楮果陽
陸摘紅蓼亂叢驚怯兔懸厓隨危鳥采
采弗盈籠搖搖衷心擾西望閭里門杉
篁鬱杳眇慈親應未興歸當薦香稻窮
阨不足意雙天漸將老晨餐靡重味未
能獻清醕情厚筋力微何處奉暖飽賤
軀輕鴻毛奉養自茲肇蘭心旣卓立烈
風不得撓行行歸到門雞鳴報清曉

清曉始歸室鳥雀滿林園鳥雀猶有養
兒豈不報恩解我腰下纓脫我身上裨
短窄敝袍薄寒飢誰復論行將爲妾婢
虔辭北堂萱慈顏已旣老淚下弗能言

默默出南郭進入江頭里江頭楊柳多
日暮悲風起主門乃我家夙夜勞薪水
夕歸治績絲朝出執耒耜宛轉歲云徂
哀哉空房子良時久爲別故鄉定何似

鄉中何惻惻惻夢思勞兒也去何邁三歲不相遭春
葩耀陽林思兒援綠條商飈卷高樹思兒嘆黃蒿調急
弦易絕情長恨難消倚門望兒來恍惚見垂髫
垂髫猶在家不思今日怨西鄰有丈夫夙夕通款愿感
君松柏操愜妾兔絲願紆鬱迴九腸衷心執貞信愁懷
向誰伸喟然增憂悶

憂悶侔君苦我是牧家孫夸父逐天日徒應勞走奔愁
緒卷懷之區區誰復論往愬逢人怒寸愛猶尙存暮入
秣牛馬朝出灌田園佛鬱腸將斷佇立在茅軒悠悠望
郊野曖曖夕陽村木落寒天缺缺處見君門君門如此
近卻如隔重垣願言爲綺霧春曉君窗屯願言托紅葉
秋夕君庭翻野色斂人馬落日散雞豚入戶掩牀臥嗟

我又何言

無言亦關心烏啼窗前樹紅旭昇朝霞彩光照鄙步敝
袖倚寒井井牀凝白露纖手卷黃綆銅瓶霜華素朝朝
挹靈漿因望君家路君家限重門哀哀向誰籲

哀哀向誰籲昨夜夢蘭期念之使人老荏苒容色衰主
家識其故指斥有譴辭婦人一喪節何復上堂基皎皎
雲間月灼灼園中葵枯榮隨霜露憔悴自有時托生乾
坤裡蒙垢焉存儀煙斂日色黑開奩臨鏡臺淡淡紅粉
妝首插白薔薇潛哭辭主家趨彼西江湄

西江深且長風吹江邊柳寒鳥收餘音狐兔傍裳走不
能見弟兄何復拜父母父母真可思欲呼恥陋口唯願
倍加餐不孝自此朽翻身投峭厓水去又何有

水去流滔滔兒子何時還登高望四野遊雲暮歸山飛
走各求棲我亦傍沙灘蕭蕭白楊樹慘慘鳥音寒灘頭
泛哀尸魂斷不為嘆

兒也惟何意使痛我老臆淚亦已不墮鼻酸聲亦塞登
岸付茶毗去葬西陵側有鳥其色黃哀哀集荆棘晨揚
和鳴聲昏交連理翼

恩恩圓景轉葉隕氣云秋素霜盈華髮明月照深愁展
轉不成寐思兒到西洲西洲何淒淒洲空風颼颼阿爺
呼兒走阿姥呼兒投不聞兒女聲唯聞寒濤流

寒濤若我淚明月似兒面餘暉漾亂彩入江弄華綯清
光澹如流之子不可見鷺鷥鳴洲渚煙生蒼山縣風色
助我悲莽莽沒遙甸焉知非兒擣颯颯飛秋練

昔汝辭家時思汝歸林丘奈何養親心願為鑽隙儔汝
過何足道主家靡良謀鬱彼南原樹遙接主家疇主家
若無譴汝何赴清溝見彼野雉雊乎求其仇夫妻理
所愜控摟誠可羞於情未為戾于禮闕慎修憐汝孝喪
節老淚汨難收日夜吞聲哭怨恨不可休桂湖村曰詩
之大旨有二
情與聲是也葩經尚矣漢魏晉宋暨唐名家莫不兼而
有之是以歷千百歲而益新後人言詩惟執一端攻之
愈久而愈與之相離可歎哉約軒此作之遺解緒人事情切
聲振紆餘涵泳諷諭自至饒得古樂府之遺近人輕薄
動以不應酬為詩此輩
讀之不訛類者有幾

送稻葉君山岩之清國九首

己亥臘予將歸北越途見君山君山索予

詩乃賦

絕海魚龍捲素波乘春遠別欲如何清時社鼠竄朱瓦

亂國山魃藏女蘿將自申江浮七澤更從荆楚溯三巴
東風不爲舟行便乃拂金鞞斫白鼉

嘆息治安策竟空滿胡闔內說和戎秦關風雨起王猛
浙府山川泣陳同鹽鐵豈無商榷術俎尊應有折衝工
江湖子弟漫慷慨君更懷憂入峽中

憶昨山中抵掌談古寺秋風動佛龕坐上雲生寒石井
牕間月落老松庵孤浮大海帆光斷遠思晴湖雁影涵
別後方知夢君處征旆悠悠度夕嵐

攜手河梁涕淚紛吳山楚水路遙分綺城楊柳畫中見
古廟鷓鴣愁裡聞汀樹哀煙荆口月巖花寒日蜀門雲
行春似解故人意萬里依依獨送君

夕陽飲馬大江流極目荒荒四百州野渡人空平草木

春山日落散羊牛遼關胥吏枉售劍采石書生不熾舟
客子鳴鑣攬輿廢古今龍鬪渺生愁

日照汀洲起宿鳧春風兩岸入青蕪守令門外石爲虎
野老田間兔觸株燕趙故墟喬木大魯齊遺蹟斷雲孤
君看文物隆衰際渾在朝廷辨哲愚

揚舲萬里此西征揚子春寒綠漸生顧指吳山朝雨暗
回望蜀道暮煙平孤帆迷莽青楓樹一劍飄蕭白帝城
知爾有愁還負氣不教清淚墮猿聲

蜀中南接貴雲山北限秦韓峯間篁樾翳天金玉麗
蠶桑覆地米魚閒英雄馳逐空今古攻守情形孰險難
行到錦江弔先主征衫定澆淚痕斑

時艱始思濟時才膽大略疎何拙哉諸葛任人擬韓子

郭隗獻策是燕臺九州瓜裂誰先唱天下三分暗已催

君若西行試君事計成功立復歸來桂湖村曰七十二

麗者有豪健者有典切者高輒近于唐賢低亦不雅正

人雖其間有稍失處大者然絕無纖靡調風乎雅正

佳音哉以君山獲此

豹軒詩鈔卷二

豹軒詩鈔卷三

北越 鈴木虎雄 撰

明治三十三年庚子 二十三歲

庚子新年三首

御苑丹華照綠槐九天闔闔遲明開紅雲冉冉浮齋幌

碧霧垂垂接祀臺氣結龍文迎劍入翹移鶴影整冠來

羣侯虔拜 皇靈殿埒願堯天萬歲回

葉山別館望霏微嶽色煙光映曙暉徒羨耕漁隨鶴駕

更思 慈聖憶春闈謀臣盡為周文出隱士還知商皓

非況值鸞儀期已近神州祥氣簇湘磯

重關高閣絳旗又大道交衢綠竹斜金翠鞍驕朝士馬

寶珠簾閃美人車上林晴動千門柳朱邱春連萬井霞
聖代儒生疎世事漫從羅綺弄年華

不雅重無篇不瑰璋足以調樂府足以施宗廟

庚子正月八

庚子正月八長城發平日風力絨服敵雪威皂帽扞買
券駕鸞輪不發行路歎蜿蜒靈虯走坦途莫款段積雪
蔽曠野澄江盤遙岸平林綴瑤葉宛丘鋪素幔神鸞截
寒空天花摧璀璨稅駕三條驛嵐江湛碧紺蘆葦遵皋
渚綠波錦鳧散賃僕擔行李徒步驚江鶴參差互後先
蕭條長堤畔俯見中江流仰見劍峰斷皓地平若鏡碧
天淨如灌玲瓏乾坤間劃然山稜判陰陽分晦明明處
銀光亂倒景射遠燼焜耀紫錦爛鬱鬱望坡陀喬木互

榮紉或逢弋者窺或接漁者按或聞機婦笑或嬌豐童
瞰或蒙老鴉嘲或分狡犬叛或悲雪穿陷或疾挾者彈
或嗤慧兔頰或醜穢鼠竄寂寞村巷中幽事可撫玩喜
悲交相集兩頰熱淚瀚辭家過十年久乖西江灘江水
依依碧臨水有荒館乃是桑梓地驚喜誤欲喚寒徑入
閩門忽見竹裡爨上堂拜慈顏猶憐季子憨二兄相與
來引弟倚書幔契闊情事多欲語先悲惋育英志空存
父祖業未贊邦基雖在斯未見人物冠猶思伯也誠忠
恕恆一貫諄諄誨不倦當出貞固幹仲氏溫潤質美玉
藏巖礪巍巍香神祠春秋奉醴醑清淑虔典秩享靈祀
宮泮弟也稟庸劣鑛璞期鍊鍛遠遊輦轂下螢雪耐艱
難寸心輕毀譽耿耿對書案弟兄三有人丕福非攸慳

永侍老親膳且爲旦暮衍日入羣動息清芽煮金鐘丹
 青弄骨牌雪屋有佳觀稚姪戲我側髻垂雙目肝壯者
 呼臬盧言笑方渙渙明星爛揚光膠膠鳴鷓鴣不義求
 富貴搏噬比豺豕雖使百人奴焉若我體胖清素祖宗
 風知足乃恬憺以之守天爵嘗靡分外憾且隨清池鱗
 不追青冥翰桂湖村曰長篇汪洋奮注屈曲離奇其用
 險韻也大抵原於六經故字愈僻而語愈
 獨往西江潯寒日照淪藻此時天旣雪乾坤盡枯槁連
 嶂空素屏曠野無碧草回看遠樹杪始見劍峰好玲瓏
 玉芙蓉峰下可以老

典驅才運意仗氣振響此詩之
 不強學昌黎而似昌黎者也

西江霽雪出望劍峰

中江堤望劍峰

客子步積雪行行至郊垞澹澹中江水水寒霽色熒白
 日摧玄雲寒光亂素螢淒涼蒲原郡自有劍峰青想我
 從此去不得對錦屏故人在其下欲去且暫停安得拳
 石大移去插客樞

野望

孟春微雪霽出遊東郊野皚皚凝素盡微茫雞豚社野
 老卜豐凶稚子追駒馬處處抽宿麥又見土田緒方知
 東作近縱橫春水瀉

入京後寄懷二兄

思君臨長路長路直如弦此路幾百里遙入故鄉天疾
 風捲回雪霏霏似素煙此時與君別相望情猶牽起望
 鄉中山山空白雲連逢少別離多會面又何年桂湖江村

霽雪以下四篇曰豹軒風骨高騫得之天分而情致委
婉亦本自然今讀此等諸作字句清澈雅令其從陶柳
門徑中來固不俟言如寄懷一篇尤見非至性人不能辨也

庚子詠懷雜詩十三首

在東三代治巍乎仰德澤在西希臘文煥乎存軌迹東
則尚實踐事業載簡冊西則窮精微物理費考覈後世
漢士學近代歐西籍兩者失正鵠本末忘損益懷哉希
人風身心共壘闢窮理通真源萬象總辨釋德學眷其
善服膺似悅懌美學尙諧調景情娛暢適入鬢講問學
遊林養血脈筋肉豐贅秀崛強整骨格文武兼資材國
威震蠻貊以之比三代何敢見耗斲現時諸科學準的
須簡擇何必隔東西又強分今昔苟足治心國其方可
細繹井中窺天者不足論籌策博該尋治道審諦去奇

僻善惡與利義總自經邦索依之知恆變以奠王者宅

二

秦伯能嫁妾鄭人能鬻積奈何飾言徒得華失其質明
治而以還鬱然盛學術泰西窮理方研覈遵典秩宇宙
造化祕昭顯無所逸沸湯運機輪電雷燭易日開物興
民利功業聖人匹所恨綱常法學者不自率顯官亦放
縱絜矩自此失大抵衆人情於上取繩墨儒與官相乖
何依懋淑德紛紛數千言名署大儒述篇章推綺麗滋
味甘似蜜願問於內行孟浪非篤實闕如至誠心鄉愿
或德賊卓哉古聖人人天與默識智已總萬類盛德屹
傑特汲遑爲邦謀利義毫不惑盈人如不足節已似不
欲朕朕方寸間自有六合室樂天知其命諄諄盡己職

所營居衣食所經身家國綽綽行其志亦循昊天則此之謂哲人果享福元吉異彼辯口者禍福動顏色真知同所見真行同所出君看英雄士常說知行一

三

調一天下者是爲君子儒業歧註本末學分成散殊不能得歸趣多識亦癡愚孔門四科學分類頗樸疎西人萬有學繁節何區區析理與德行長短異其途苟不見雙面騎驢遂覓驢一身尙未立徒使死壯夫大綱果如何節目何者乎是之不審辨終生誤典謨何當爲真儒疾言救盲孤

四

世人不知儒以儒爲遁世儒豈遁世者高踏或卒歲孔

子稱夷齊非贊首陽傲讓國中清廉峻節何壯厲若唯貴棄國人而劣巖桂是旣非常情孔亦靡此弊小國飛車蓋大邦返其袂可治厭何地最慎倫常際政治自此出患難又救濟荷蓀丈人倫楚狂接輿隸與儒相背馳行藏非一例經世術節多不及丘也計

五

墮地爲男兒必爲萬夫望華堂參政議生當爲輔相虎幄運籌策死當爲上將或積猗陶富坐築黃金障或當冒險難直破萬里浪人生有意氣材能異所向必當得標的而後快哉唱惜哉世間子酒色或放曠浮言賊天真閒戲損儼狀忘卻天任大遂使心氣喪或迷一朝利或絆一時謗徘徊爲柔弱舉止闕跌宕入山伐木柯運

斤在良匠大小唯在柯斤莫細巨樣汝材同所稟成敗
賊與養若必揚大名死承家國葬

六

一錢不與貧千金買豔婦一錢不養窮千金購美酒爲
我千金輕爲人一錢阜苟知是庸情何遽論妍醜塊然
一片脯唁唁鬪羣狗蕞爾數尺畔喧喧爭二耦惟有利
欲媒自他劃然剖鬪爭自此起紛亂已既久聖人治國
方先使人富有節之以禮義百行重孝友風俗依此醇
人情依此厚制產以制心均頒田百畝未必盡均分貧
富互授受權衡得大體上下相開誘迂哉後世儒講道
費唇口雖談唐虞周不辨米升斗

七

收斂苟利國收斂可以勉嚴法苟塞姦嚴法亦良典二
者若便己巨臣罪不淺見其宮室宏乃疑非民嚮見其
衣服麗或訝非民喘真正爲邦謀奉身必不腆未聞慈
父母賊子以飾輦彼輩已驕貴傲然示尊顯由是窺肺
肝僞佞迹不免已抱僞佞心嚴法私敵剪收斂私屋裕
無施非不善所以今良民側目見玉冕屏息見金章蛇
蝎視重繭見君若見親見臣若見犬幸有代議制以矯
廟堂舛代議士亦邪公私率難辨自今參政人推薦待
忠睿明智且正誠願以充民選

八

學問思辨行恭寬信敏敬孔氏所申令確乎似天命依
情斷中正萬古皆傾聽當今學術盛鑿鑿論人性及格

其究竟豈敢過前聖人未知行徑故有穿鑿病苟得其
把柄所向既一定說之爲教證施之爲德政明明大月
鏡山千千山映

九

舉目見九州九州盡濁穢刑賞乖功罪政權等質貸所
趨一人利公益盡弛廢寶蓋擁大車彩綬帶玉佩陽爲
巨臣官陰爲商賈輩政商不相分濁浪依何碎是以思
恢復沈潛爲慷慨慷慨將何益臆計勞肝肺私思邦家
基必也在教誨結網優羨魚欲穀先秉耒欲改造家國
人材須培溉仁以慎德行智以闢蒙昧義以斷公私始
謂全帝賚一人忠直進十人姦邪退多士遂濟濟終焉
清海內斯人若不出營營徒狂悖於今定教基勿貽噬

臆悔

十

東山有孤鳳落落人未識朝陽照春華羽毛五彩色非
甘露不飲非竹實不食貞操有所恃獨此桐上息不罹
林間網亦避天邊弋已無癡鴉貪焉知獾兔逼清唳聞
九皋翱翔碧雲側清高終天年逍遙堪自得

十一

西山有孤松亭亭與雲齊下自遠惡蕪上不宿野雞嚴
冬霜雪降根幹蟠幽蹊翠色何蒼蒼苦節何淒淒羣木
旣凋落孤影照寒谿枳棘憂輻輳苦繁萋茯苓曾
不生白露亦不滋雖然百鳥裡丹鶴此來棲

十二

泠泠澗邊水鑿鑿山上石溪風一何幽清氣滿寒澤岫
雲流歸林中有仙子宅澄心虛籟聞靜坐蘭芬積婆娑
松蘿影孤詠明月夕

十三

有妹何姍姍出遊城南端翠袖挾芬蕙皓腕擁金環不
逢城中者惟覺知音難矚目青天外移步碧水干激灑
涵素影條魚驚起瀾桂湖村曰難詠十三首學該東西
識貫古今說大則充塞六合言小
則分剖秋毫其論道也馮翼洞瀾遂折衷孔氏純此儒
家之見而辭藻之富瞻也聲格之鏗奇也非習熟古詩
術不能構篇也約軒父祖二世以儒
術聞家學有自宜哉其能有大著矣

野遊十首

道灌丘下二首

桔槔灌空圃歷亂野花開日午人歸盡飛飛一蝶來

遠林紅萼色春霽照青蕪往往生微翳白雲過太虛

越谷逍遙江上二首

江水清逾碧有妹來浣紗篙人看欲語一棹入紅霞
春堤芳草綠柳色映江流童子垂綸坐蘆芽沒鴨頭

至圯橋望大林

桃光圍野色碧水濯雲流獨坐圯橋上心如不繫舟

大林至大房堤上五首

煙中雞犬靜江上意如何不見桃花樹青青楊柳多
行盡江村路空原淡帶煙桃花林斷絕絕處柳梢圓
野塘春水滿天靜起微風夕浪菰蒲響漁人網落紅
前村煙火起歸客望平疇夕照遠明滅春泉自在流
澄江翳尚明野色入幽曠數點澹星光鳥還遙樹上

雜詩九首

陽春敷德澤萬物搖葳蕤藻林振朱榮芳草含碧滋靈
妃出幽室驅車綠水湄芳杜披宿莽清露濕裳帷攘袖
紉蕙苙攬之欲遺誰

青春雜樹發綺彩媚豔陽鶯鶯交頸語花葉爲低昂雕
桐彈一曲流聲繞杏梁丹華變綠葉素髮易紅妝一彈
長嘆息再彈恨更長

綿綿庭上葛冉冉延幽闥蘿葛生有時遊人還有期昔
別昔何道至今猶未歸想思結爲夢夢化雙鴛鴦搗手
泣相語倏忽阻他鄉浮雲暮孤征飛鳥往自還感物懷
悲痛憔悴老容顏

孟夏草木長鬱陶憶彼狂北地猶飛雪南園蓮已香螢

火流夕殿蟪蛄掛洞房抱斯貞固質十年掩空牀新知
雖云樂故人安可忘

自君之出矣無日不斷腸花開鳥鳴樂葉落我心傷果
羸延屋宇町疇饒鹿場薰壙待君到聞君在朔方何獨
望漢月願飛化胡霜

日月東方出征夫何靡遑木葉旣隕穉何草得不黃思
君使人老蓬首爲誰妝其雨日還出悠悠愬彼蒼不知
者啞笑女心瘋憂痒斷弦當更續棄扇待夏陽君恩中
道絕女當依何鄉

芳蘭生幽谷瓊蕊隱春陽衷心抱苦節誰能識微芳望
君花月夜思君不能忘隆想亂心曲紆鬱迴愁腸棄妾
任君意背君妾應亡

洛陽城東路路有採桑女采采不滿筐嘆息勞心緒君
子于役來三回華禾黍養蠶為衣裳遠寄關山旅悠悠
魚雁音轉戰定何許不知征者酸唯知居者苦與君為
新婚忽逢山河阻譬如箬與弦又如鱗與羽會短相去
遙猗嗟淚如雨

萍蓬飛大野會風落宛丘自與君相識倏忽踰九秋鄙
懷何足道思君私自愁聊比金石固願偕住秦樓出門
望野水野水東西流君若歸他室我如不繫舟桂湖村曰柔思
治態濃香豔骨令人羨其才藻之曠徐氏玉臺一書概皆綺麗之作多闕閑之語而尚不失性情之正與溫柔敦厚之旨合未可以浮華斥之也雜詩九首或其幾乎此者

雜詩二首

春思

灼灼瓊花色皎皎明月暉芳馨聞櫺檻美人思征驂
靈驅雲轡望舒樹星旂昔往塗雨雪今已鶴鷓飛虛館
無行迹芳塵凝綺屏蛛網掛朱綴燕泥落風幃庭草萋
以綠園柳故依依風雨慵膏沐為誰拂珠徽沈憂帶日
除愁怨減腰圍常恐霜露下肅氣滅芳菲願駕高飛翼
與君同車歸

秋思

明月麗畫堂流光照羅牀佳人思所欽鬱結心內傷展
轉不能寐中夜起彷徨俯視秋草白仰見孤雁翔天漢
已西流霜露沾衣裳攝裳牽華幔攬淚歸空房人生倏
如寄誰永保容光過時而不采黃落同隕桑葚菲甘下
體葵藿傾太陽願言菅蒯姿猶補芝蘭芳所欽阻千里

欲往河無梁已矣河漢女終日不成章

青山

青山六章章四句

青山蒼蒼白水湯湯齊彼姝矣在天一方
日暮言駕稅乎南岡望彼周道山川渺茫
蟋蟀鳴野蕙蘭零霜仰看明月願言同光
西風偈兮緹幕惟颺琴瑟未鼓環佩其涼
呦呦鹿鳴猶求友音哀哀君子不嘆錦衾
山失其高水失其深室邇人遐切切勞心

有鸞

有鸞刺鸞也春之日僕遊郊野觀鸞與雉
食甚者鸞人以爲雉詩云有兔爰爰雉離

于羅可悲也矣或曰刺女不貞也有鶉之

奔奔之遺意云凡三章章六句

有鸞有鸞翠羽鞞鞞瞻彼紫葢烝在桑野嗟乎鸞乎莫

食紫者

有鸞有鸞鞞鞞翠羽瞻彼紫葢拚乎其舞弗食桑葢怒

動其股

有鸞有鸞其羽五彩瞻彼紫葢怒乎其餽匍匐啄之彼

雉之罪

擬古樂府二十五首

君騎竹馬來妾迎挑絳紗日暮無歸去恐驚門前鴉
妾長如鸞子與君學塗鴉誤將蘭麝墨汚君冰縠紗
妾髮初被額君肩齊妾眉搖搖蘭心動自在春風吹

我年十四五君年已破瓜當時見君顏唯言若薜華
 庭上拾青梅挾彈擲清曉絕恨遭君叱始覺起宿鳥
 夏池何漣漣童童涵翠蓋魚戲綠水間鳥飛青天外
 霏微黃梅雨淒淒掩畫堂移步臨塵隔池蓮三寸長
 君頰如蓮花吾袂若蓮葉採花挾吾袂採葉當君頰
 吾眉踰蓮葉君髦出蓮花吾窺翠霧裡君顏映丹霞
 花顏倚蓮葉不辨孰是人童子指眉笑芙蓉帶墨痕
 玉釵落在水雲鬢升麗天微風起蘋末君言笑顏圓
 翠葉流晚暉紅花吐殘翻蕩槳清唱裡玉人採蓮歸
 初日照園葵弱柳當門垂二八樓上女嘆息停鳴機
 春暮掩紅閨佳期竟不來唯待胡蝶至簾前牡丹開
 前溪花流去花流不復還不知春色盡良人在邊關

玉牀開明鏡掩面淚痕垂欲障侍兒識狼藉損畫眉
 望望不下牀颯颯空庭荒風散黃金錢雨偃秋海棠
 朔風披鐵甲南國又隕霜不識夢中路無由到沙場
 蟋蟀鳴東壁蜘蛛網北堂蛛網如妾腸蟀鳴似妾傷
 雞羣有孤鶴玲瓏聲聞天雖非華亭客從之樂天年
 昔我雙角時已知紅花色至今思高節景情不啻仄
 清歌浣紗女褰裳露素足豔色驚游魚妙聲遏飛鶴
 君生茹蘆阪我住阪下扉日月先臨阪餘暉上我衣
 徒道相思切何以相見稀我家太易識楊柳白板扉
 曠野雜花發爛漫揚紫紅杪秋肅霜下春色一時空
 湖

村曰擬古樂府二十五首大抵古意新聲無戾于風其人
 之遺旨其至妙者能漱六朝之豐潤咀三唐之英華其
 情溫以厚其辭麗以則非彼柔筋
 脆骨學步放翠輩所可同日語也

雜詩三首

粲粲樓上女札札弄機杼的的耀丹脣珊珊歌白紵潺
潺紅淚流緩緩金梭沮王孫遊不歸盛年空房處燈下
抱虛影鏡前每淒楚

芙蓉涵豔影綠水起微瀾不異洛女笑傾城在一看佳
麗良可羨盛聘堆綺紈天寒知操節日暮識淒酸女蘿
附松柏自古相得難竊思知音少中夜起長歎

見花思顏色見月思明眸披練疑素手聞簧疑玉喉誰
能植萱草聊以忘我憂引義割情愛此情死不休我悲
自中發彌縫焉得度

五月正陽

五月正陽頌 東宮之婚也一篇五章一

章八句謂時令之宜也二章十句敘清門
之舊以謂室家之和也三章十四句謂禮
儀之完也四章十六句謂朝燕之衍也五
章十四句謂下民之志也

五月正陽朱華蕊蕊蓁蓁榮木璨璨附礪倉庚啾啾載
飛載止緡蠻其音熠燿其斐

齊子于歸朝我帝圃 照后之姨條侯之子 東宮之
妃鎌公維祖乾德之緝坤儀之輔肅雖娣媵亦在庭宇
驅車悠悠采旌颺颺鳴鸞鏘鏘周道維彰格彼上苑虔
誥 宗皇弗顯神極弗熙國祥朱紉戾止正殿將將百
辟如雲劍佩有煌絳綵袍 丕子禮裳
鼓瑟吹笙會弁琰琬衍衍未終維日之晚零露漙漙宮

葉泫泫華燈茲張瑤光允演厭厭夜飲不厭靡返清醕
湛矣角觥寒矣此有飽冠彼有醉冕豈弟君子靡弗令
善

麋鹿長矣於彼萃野鳳皇鳴矣於彼梧朶疊疊威儀維
后之雅迨我下民靡有弗惊母曰愉乎兒曰雍思澹者
長川峩者峻峰介君眉壽萬年無窮

拜 皇太子暨妃兩殿下鹵簿于二重橋下恭

賦竝紀事十二首 五月十日

錦旆煌煌映日紅雍雍鸞匹出彤宮微臣直立禁垣下
稽拜淚垂金輦風

聖人視禮明朝是宣使奉函從內坊舅族新頒尊爵位
妃宮先賜寶冠章

青青萬木敞瑤宮鬱鬱千門引玉驄 天子親開金殿

坐皇朝大禮配 儲宮

春宮日暖紫煙濃彩仗整齊供奉容鸞輅輾開周道出

正南八朶玉芙蓉

肅肅嚴儀出繚垣天風突騎鐵槍旛庶民大道迎通駕

綠葉弓形五丈門

魚鳥亦疑拜綴旒玉簫金管韻松楸嵩呼起遠漸還近

太子羽儀沿御溝

紫殿彤庭淑氣通花花葉葉颭輕風櫻田門靜沙如玉

銅輦無聲御路中

禁池鱗羽樂洋洋迎得賢儔朝我 皇金殿風微旌旆

動青霄日麗鳳鸞翔

鳳凰城裡錦如雲夾道繡簷羅綺紛一樣紅燈三百萬
齊題奉祝篆形文

三千燈火夜如明陌上歌謳庠子行唱自青山連禁闕
滿城草木變歡聲

四海無波奉 聖君山林將息馬牛羣新頒禮典定
儲配開國以還曾未聞

草木還霑雨露仁神州一體美君臣南山不動長江靜

聖壽無疆萬萬春桂湖村曰作詩雅重壯麗難矣然習
熟漢唐則未必難也敘述實境而能
雅重壯麗真難矣夫欲敘述實境則不卑淺欲雅重
壯麗則不陳腐今此十首敘述實境而能雅重壯
麗則不陳腐今此十首敘述實境而能雅重壯

登嶽雜詩五首

望嶽

麗意到此被之朱絃以奏太廟何不可之音也
作詩如此被之朱絃以奏太廟何不可之音也

天邊見蓮嶽不知何瑤華八朵昶霜露萬里照煙霞傳

聞浣花女弄之在天河一片落人界幽意竟如何桂湖村曰

古今詩人以五言八句詠富嶽者首推祇南海柴栗山
梁星巖三家豹軒以變格出之一氣渾成縹緲空靈與
三家駢觀毫無
慙色可謂偉製

太郎坊步至八合宿

朝發太郎坊夕至八合窟空翠重羅衣天風吹短髮回

看兩儀際孤杖近雲闕俯視唯鬱蒼焉能辨山澤微茫

衆嶺外雲霧遞出沒唯見九點煙已靡片掌碧洶洶雲

海波續續皺峰巒大地如盤旋暈神艱腕平風截雲

裾散日裂霞帛遙空紫彩亂陰嵌紅耀劈麗色媚遐邇

隨陽湧絳白瑤瑤瓊瑤爛霧靄靄穢駭霆下礮磕飄

雨上蹙翬陰晴倏變轉瞭黯忽興歇日暮天候靜麓岫

顯林樾澄宇瑩清鮮銀漢可行筏巖宿窺象緯雲色玩
闔闢終夜耿不寢高想云何竭桂湖村曰行筆遒健鏘
詞瑰麗善狀奇境森然
動魄從非篤意真古
者不能綴隻字也

曉登劍峰絕頂

高高芙蓉頂上有紫劍峰振衣登巖稜氣象一何雄碧
落上無極白雲下蓬蓬初日低天外河山在虛空巔巔
分麗彩飛霞片片紅或恐陶鈞子乘夢喪神聰誤使乾
坤倒使予俯蒼穹神氣盪未定五色何玲瓏雲旗靡委
委日車颺雍雍霞蓋閃焜耀玉鸞鳴琤琮紛紛雲之君
橫吹交颯颯弭節舉招旌麾予到瑤宮瑤宮見紫帝傍
侍白玉童徐衍冀闕庭七十二聖公各執蓮華杖翱翔
金殿中蘭芝訟庭秀鸞鷲軍幕離民淳靡偽曲時和順

雨風唯能吸沈瀟未知有兵戎借問何能然無為化自
隆總忘名與德一誠內光融事功可贊育神迹堪圓通
廣廣宇無際永永宙無窮於此樂且湛聊得返鴻蒙桂湖
村曰雄厚奧殆得力於楚騷而精驚八極神遊
三島飄逸之氣不可摸捉則青蓮天姥之嗣響也

自中峰轉見寶永山火口

窅然土囊口斂側九萬尺巨刃割洪甕傾在英靈宅上
接蓮嶽素下連衆峰碧洞乎闢竅瀧焦壤赫緹赤沿崖
磊礪矚劔壁鏞鐵積突兀相拄撐礮柯互阻隄左扇攻
右扇險勢欲爭擱高棟壓低棟鬪姿皆窘迫東門無數
柱喬喬衝日月天半躍雄劍雲中擲馬脊甕頭若堂巖
怪詭騰嶽峯斧鑿亂髮積虎獅紛跳躑巖柱屹對峙崇
卑遼相隔跬步臨此孔玄雲闔復坼長風漏天罅颺颺

吹嶄嶄巖崖成動搖變響旬驂若滅滅雲氣釀琴琴山

聲撼惴惴心悸慄倚壁索放魄桂湖村曰蒼健險幻耀

爛光射人者趙居真雲門山投龍詩王建溫門山于鶴

將欲合漁洋公南山陸渾山火二長而

伊豆山中空望半月湖

白雲在我左白雲在我右白雲在我前白雲在我後油

油白雲中乃在伊山口雲流嶺頭出列青如屏牖晶晶

半月湖片鏡開數畝斜汎白雲間亦當衆山首涵象湛

若虛倒景映雲走登嶽會佳晴清且攀高阜指點名羣

峰此來斂予手桂湖村曰起勢用杜甫石龕作法不襲

法子美所無涵象湛若虛倒景映雲走形

燕京篇

燕京六月被圍急萬國使臣報絕粒羽檄縱橫暗風塵

沿道未聞援軍入魏貅桓桓我皇師半夜聽雞肉生脾

陣中笑撚金僕姑塞外欲虜辮髮兒當時宰相兜鍪客

折衝不講縱橫策遂使六國窺秦關虞虢何由修玉帛

東兵西馬引輶車冀北一半成廢墟清家倉皇棄社稷

此事須驗亂離初西土教徒國豨豕陽貴平和陰恣悍

虎攫狼噬侵封疆坐使拳團致背叛殿宇崢嶸飛羣隆

白日放火天為紅殺戮教徒如刈草剗刑壯夫貫女童

此輩蒙昧疎謀計幽憤激發欲拯世清廷煽動誤本末

九州竟釀彙卵勢羣黎蠶起戕使臣諸道續紛燒城闐

黃巾跳梁銅馬獬屠掠掩壓外邦民外邦聞警飛使節

攻守略定期殲滅七國一齊出將軍誓天慷慨氣慘烈

黃海波濤吼風雷鐵艦衝撞濤破摧王師先登太沽壘
俄德亦據北塘臺旌旗蔽天騰礮燄鼓鞞接地草木颯
劍氣低昂晝貫虹天津以西無阻險銜枚長驅占楊村
咫尺突兀望京垣歐旅間道攻西北我兵東奪朝陽門
城中使館戰正苦逆虜攻襲無朝暮刀折彈盡張空拳
一時纔保肅王府城東烽火照暮雲殺氣森森動斗文
眼見義師破圍至城中喜悲抱將軍自從清室助盜賊
四海冥濛陣雲黑須誅渠魁謝列邦文恬武熙建皇極
列邦固聲救星槎丹書豈宜割山河晉文詭計假虞道
齊桓譎術挑楚戈賊寢河北猶交戰龍蛇唯待風雲變
俄德法英咸鷹揚可憐東海日卑賤胡狄誑張騙趙孤
獫狁暴慢蹙周圖誰雇魏絳議和戎焉知婁敬勸遷都

晉政難賴江南壁宋室遽棄河北鏞君臣相顧淚濕衣
百二河山風蕭瑟兩宮北狩指晉陽霜露侵輦聖心傷
黃禕當年臨玉戶青山此日充畫障五國城邊沙浩浩
蒼梧野南雲皓皓空望日月出還沒玉鑿何時上南道
日暮倚欄送飛鴻簾前無人城樓空霜錦雲繡冷行殿
璧月桂花思故宮景山蕭條禁鼓歇衣冠奔崩劍佩竭
翡翠金殿闕曉煙鸚鵡雕欄虛夜月萬壽山空草離披
圓明園荒長荇蘼秋花狼藉覆紫砌怪鴿營巢鏤鳳楣
親王歌館今何在丞相舞榭失光彩朱幕翠簾霏霧寒
亂禽重來牆又改平生養將備國艱士卒虓虓氣挫豕
督府連境擁精仗雌伏不敢出邑山此時不出將何意
無乃年老圖私利不知國破家亦亡爾輩何不思聖淚

黑龍以南胡馬驕況復榆關聚戎軺唐家已無郭子儀
漢廷誰擬霍嫖姚氛祲漠漠沈天日義民不解救宗室
清若摧滅我亦危保全封疆我其匹豈圖朝廷憚西歐
堂堂神州闕國猷畫策每隨夷虜後枯骨枉買敵國歡
還遼相公新拜詔峩冠大帶臨廊廟平生意氣輕霍伊
乾惕強自比周召定有宏謨達楓宸未聞尊俎施經綸
俄德公然據齊遼昔何揚揚今何淪當時還遼由兵少
今日水陸盛旌旄雪恥逞意今其時逡巡何以倣弱小
聞道廷議割閩江搖尾追隨西土彪瞬時唯成彌縫計
百年其奈危帝邦家國寶器在禮貌如今權門輕名教
庠序不出社稷臣閱閱何知忠與孝李顛牛蹶戀衣冠
攀龍附鳳多素餐齷齪簿書誤大體諸君爭使 聖心

安壯士中宵瞻河漢拔劍斫地劍光爛欲為 聖皇甘
捐軀起望星斗發浩歎寂寂寥寥儒生家盡日讀書避
牛車普天唯期樹道紀勤勞應同種桑麻儒生慷慨壯
士噫功業忍歸朝臣敗請君棄擲優柔態秋風盍試俊
鶴邁桂湖村曰燕京變起日滋事端遠者和以問親舊者賸以就新仁義之道蕩然亡矣有心之士慷慨
拊膺末如何也此篇敘述六月以來之事委詳明瞭毫
無滲漏骨力雄健辭藻偉麗中幅尤極淋漓酣嬉讀至
可憐東海日卑賤髮豎皆裂洵此大作

送國府犀東種德之臺灣

犀東子臨發東友索余詩余詩在意而不
在辭若徒喜其辭不顧其意則何為于余
詩佞順逆意妾婦之道直規不回丈夫之
誼易諛以箴犀東子可以知余志

乘秋度洪海載翰諭恫壯哉遠遊子俊氣斷彩虹借
 問何攸之萬里入南中南中風土異炎瘴恆朦朧城闕
 隨巖險河山接蒼穹豐條敷永綠繁榮吐常紅材鑛藏
 天積魚禾遲地通雪燁控良府何遽委獷童更思澎湖
 障嚴鎖掘閩崧滿胡曩擾亂四海正興戎幽燕覆旌旆
 魚龍哭鱗鱗黃樟避故堞峩冠紛彤宮與國擁列戟使
 者懷剖桐或恐盡高鳥廢匱棄寶弓危勢招禍眚仁人
 思全功雖居偏孤地仗義存至中公中土警腓弱邊心欲
 實充沈潛敷規畫啓迪期明聰小人喻惕利烈士知匪
 躬甘心赴患難應使皇道隆關富與養氣神化移野風
 使彼狃狃族變為長城叢立言重躬踐細行要敬崇戒
 慎觀達德好色豈英雄道以乾惕暢理以精愨融事以

慢易塞業以放縱窮聞言猶貳行僕豈不悵悵因君萬
 里航欣然致微衷桂湖村曰氣勢渾灑體格完厚言之
 有物必中肯綮近人送別之作大抵
 辭雖美而無規戒或有焉未為詳贖此特詞意並到
 與昔賢為伍王世貞論杜詩云以意為主以獨造為宗
 以奇拔沈雄為貴
 此篇亦幾乎有之

有所思七首

我所思兮在眼前欲往從之行路難美人贈我三寸柑
 何以報之青琅玕黃絹繡紋雜花發惆悵題字淚霑翰
 嗚呼長歌歌抑塞欲報不得我心酸
 我所思兮鳧鷖洲欲往從之路悠悠紅花爛漫不忍見
 碧水浩蕩不勝愁日夕驚風亂瓊蕊洪江激波隱蘭舟
 嗚呼長歌歌哀惋惜君不得日西流
 我所思兮在華亭欲往從之晝冥冥清唳膠膠聞九皋

憐爾皓皓霜雪翎時危不乘衛公軒節高能保青田真
嗚呼長歌歌惆悵訴天無言紅淚零

我所思兮城南端欲往從之路漫漫夜深月出羣動息
城樓高懸白玉盤美人燈下執刀尺絡緯應泣雕井欄
嗚呼長歌歌激越霜露瀼瀼凋紫蘭

我所思兮鶯花兒欲往從之逢無期吳桐蜀絲張朗夜
月前征鴻行離披高調急彈清響發霞襜雲帶隔翠帷
嗚呼長歌歌何苦銀漢倒流我淚滋

我所思兮在雲表欲往從之路繚繞銀河耿耿夜向闌
美人娟娟天末眇月出皎兮玉人光思君踟躕天下曉
嗚呼長歌歌不極愬之無所憂心悄

我所思兮在月窟欲往從之神恍惚雲霞衣兮虹蜺裳

菊盈把兮桂插髮紉紫蘭兮佩芳蓀倚脩竹兮望素月
嗚呼長歌歌欲亂捫心佛鬱精爽竭

母兒歌二首

母歌曰

倚閭門兮望兒來雲霧霧兮天漫漫野曠兮山阻鳥歸
兮獸散百草吐芬兮藥葉交白露凝兮紫煙亂覓孤芳
兮從江沚奔流激揚絕高岸望兒兮不來慨言兮永歎

兒歌曰

秋風嫋嫋兮江水波鴻雁哀鳴兮凋綠荷思故國兮望
喬木山嶽崢兀兮冰峩峩若有人兮天一角日暮不歸
兮涕滂沱已矣哉兮無我識母兮母兮可奈何

粟生津村秋居雜詠七首

野堂秋雨霽新穀登佳辰採菊兩三枝招客五六人與
坐紅楓下飛觴斟清醇盤盂雜魚菜晤言忘舊新自非
鄉黨樂何處樂是真

雞鳴村巷白曙光耿前軒降階中庭步霜露濕籬藩濛
濛團秋霧熙熙昇朝暎人聲漸在戶衆鳥亦已喧此時
攜稚姪逍遙出柴門嘉稻連曠野曖曖喬木村農夫盈
阡陌懸穗散田園刈穫自今始蒼茫望平原

種稻村郭南稻熟野景新遠風漾黃浪羣雀喧清晨壯
夫刈平疇稚子饁遐津少婦築場圃老者助採薪田田
收秋積家家忙輸困自從勤東作豫期新穀陳不憂衣
食乏不逢妻孥嗔官租盡可輸餘可以禦貧酒價雖踊
貴傾樽招四鄰嬉笑多歡樂不負昇平民推究溯其始

得之在苦辛苦辛生至樂九族咸相親所以古賢哲躬
耕樂我真

柿實粲秋日幽林發焜煌清晨侵霜露攀樹摘朱房大
小隨所遇甘澀袖裏藏下樹欲入戶兒童環我傍揮袖
盡分散歡笑動野堂

門前野客至雞狗驚叫號誘雞上桑樹驅狗走東皋延
客坐草席三五攜濁醪舉杯屬父老侑盤供野毛與話
今年豐且勸明春勞東嶺皓月上空林秋天高繁星流
素耀虛籟生松濤言笑羨公等窮愁恥吾曹歡樂永斯
夕不惜竭燈膏

秋陽澹澄霽天淨雲物閒野曠明碧水氣斂露青山遙
樹雜黃絳牛羊散隴間暮光漸已逼農人望煙還

竹林寒電亂虛籟入簾櫳積陰鬱慘淒蕭條野色通枯木森如束飛鳥去不窮幽人正佇立延頸望長空

詠懷

四歲入小學粗知鳥獸名生長誦歌詩嚴督侍萱堂八歲游家塾略記詩書章未通語孟義趨庭讀孝經十歲閱國史十一及異方春秋及史漢辨道談霸王切磋交朋友提撕有弟兄大兄授歐學次兄說虞唐叱咤顧東西目短陋儒牆十二爲人嗣寒門無吉祥出贅非父志爲兒屈其剛每憶當時事血淚迸琅琅十三遊東京侍坐次兄傍計較究書算問學并漢洋十五入中學課督日上庠動植天地文藥石金玉藏體技與書畫勤勞匹耕桑此時讀杜詩愛誦忘飲嘗徹曉伏繙帙有得喜欲

狂十七近成人颯爽上向岡稜稜健兒骨抱懷鐵石腸撫時談國計懷君論皇綱烈風喬木勁嚴霜皂鷹揚東西無賢俊古今絕豪英意氣竊相許沽酒解金裝同時傾蓋士飛散隨存亡正氣屈不伸不才守木強二十遊大學學淺氣老蒼恥伍當世儒生息文字行道義欲樹立經綸欲恢張今歲廿有三始辭赤門房人事自此始前路悠且長欲奮百世上須韜晦時光汲汲約積勢一舉揚芬芳精微徹玄理究局歸倫常勤勉進福德四海保和康開物以成務於道如裹糧衣食與教化譬如兩翼翔我能存兩翼一誠報吾皇

留別

王正十一月灑氣萎蕤葳蕤曠野靡榮綠天宇殊淒其商

飈捲枯葉赭黃填堂基寒鳥趨風急變音帶餘悲遊子
將行邁前路望嶽巖嚴駕度脩阪神槍不能馳征翮戀
故林游鱗懷舊池顧念疇昔款何忍即別離草木遠相
送山川遙相隨鴻飛遵洲渚葉敗散澤陂景象歸澄澈
萬物咸萎腓霜露日云肅誰能保威儀遙憐松菊徑孤
抗揚華滋故園良朋在寄語無相違

山居七首

時寓上野山寺

久慕天台山峨峨三萬尺山巔雲常閒谿邊松自碧日
月相向背夏冬無晨夕雲路杳不窮求之如何獲
明月寒皎皎掛在天台山羣峰森羅列彩霞相映斑此
山固高秀超絕天地間山中有幽士向月長嘯還
褰裳上寒巖孤嘯倚煙霞仰看明月輝俯瞰衆山峨片

片雲飛去青青揚素波可來麋鹿侶聞我紫芝歌
乘曉汲寒水明月在天邊天邊無片翳光華本自圓心
與境冥合隨處皆真詮此境如何說欲說已嗒然
青山時拄笏虛室且開襟嘉木庭前列幽芬谷口深樊
平容遠水隄小引遙岑心寂境逾靜唯聞禽鳥音
林壑暝煙斂露華湛卷阿小星正三五虛籟響庭柯明
月上寒嶠幽光拂女蘿夜深空萬象唯有白雲過
自有山中樂嘗無塵外憎嘯噏作煙霧麋鹿盡親朋戲
月舞磐石驚雲走篠藤天邊時大笑丘壑欲飛騰桂湖村曰
七首似古不古如律不律古律之間自成一體其品近
王孟又肖寒巖子迴翔容與逸興清趣迥出天機玄參
造化僊佛之氣滄物毫端非神識超明靈心
洞朗者不能屬一語又不能解其妙處也

山居贈潭師三首

天地在眼前山水俯可拾聞君在天台英靈共拱揖
下方地履頭上圓天笠為衣有葛藟煙霞成米粒我非
希仙子依君淨染習

寒巖坐初夜山空更何有樹色澹星光鳥啼歸洞口碧
雲生遠空明月照山右綠滋搖圓輝清風吹幽阜露翻
灑蘿衣拂之玉在手以投山南坡生玕九萬畝鸞鳳如
雨來與我巢林藪山中自然佳獨何不相好

始來天台山不知是何邑山花經冬開巖雲不時集暮
驚朝暎升且訝夕飈急居久心乃愉勝事可恣給飾山
有煙霞候時以萌蟄虎鹿慣送迎鳥蟲共歡泣人間多
情偽眼昏難辨級守拙遜身迹逍遙頤自立何以攀白
雲願將明月入

桂湖村曰運飄逸之才發冲澹之趣驅
修潔之思行幽奇之語此詩家所難約

軒三首幾併有之高曠深窅瀏然以清簡然以遠令人
忘塵氛之所在我非希儂子一語猶見儒家本分贈言
體得

明治三十四年辛丑 二十四歲

春日雜詩四首

繁花照大隄垂楊暗春城車馬塵中走笙簧天半生
春水綠泫泫雜花照江濱看花人似花繚亂水底文
朝日照花林紅光搖碧水禽鳥相和鳴思君云何已
柳條黃金絲櫻花錦繡色佳人年二八獨在機中織

擬行路難十首

堂前櫻

君不見我家堂前一株櫻春來著花滿條枝紅葩燦燦

垂雲日咫尺燁如彩霞披東家少女年十五望之欲取
不能取爲贈繁英爛漫枝我且長吟君起舞風前花開
能幾時日暮飄揚委泥土少女聞之坐嘆息雙袖闌干
悄倚戶

桃李花

二月桃李花紛紛如雪爛漫開三月楊柳枝暗天金色
映樓臺何知日暮狂風起丹花翠葉咸敗毀古來春光
不須臾想君顏色亦若此

雙棲燕

君不見我家梁上雙棲燕楊柳綠時雙雙來翡翠簾前
出還入花間葉陰相徘徊一夜其匹去孤燕哀鳴不爲
聲奈何人間卻離居強爲笑語不傷情

紅紅白白

君不見東家少女名紅紅暖日凝妝芳庭中樹裡煙外
點綺幕蝶上鶯下翻畫幃又不見西家素郎名白白雪
衣鶴裳輕風陌亂點楊柳桃李垣飄颺颺天澄碧白
白暮宿紅紅家紅紅朝尋白白紗白白紅紅日相親春
空開張雲錦霞君不聞鳳管龍笙天半起紅紅白白歡
樂歌

似流水

君身如低地我情似流水流水有時阻高邱亦復常流
向低地天月與海水朔晦有缺盈唯我流水情向君滾
滾生君若在河北我夢越河北君若在江南我夢隨江
南河北風雪江南草相逢攜手夢亦好何事在眼前常

常令人惱汎汎水上萍東西各自連或恐君情意隨風
亦變遷君意寧有此君節金石堅君意設若有我情金
石堅君不見亭亭山上松翠色參天霜雪中我情滾滾
似水流千古萬古向君流

笑矣乎

笑矣乎笑矣乎紅顏少年不用悲人生五十豈能長唯
當歡娛及其時春風昨夜天上來梅李桃櫻一時開紅
花白花影繚亂鳴禽啼鳥相差池君當飲美酒花前鳥
後且戲嬉年年春色來一回勿爲老大徒傷悲

悲矣乎

悲矣乎悲矣乎悲之來不能歇明明在胸臆逼憶怛惕
結不發熊羆噉我手虎狼嚼我足痛苦豈足言人生酸

悽難爲哭嗚呼酸悽之毒猛於獸窮愁一夕頭盡禿

九月葉

二月雪未解三月花滿林四月五月草木長八九涼月
氣蕭森此時出野望四方黃樹紅葉秋一色籠山絡水
爛錦張映霞帶煙彩文織君不見三月花明日旦化爲雨
又不見九月葉此夕踏爲土人生豈能長好景易窮極
唯當時時攜美酒每逢好景且恣樂

瘞麗色

君不見東家庭前七株楓秋來一株先帶霜一株霜葉
千萬枝爛漫錦繡照松篁綺林日暮淒風起葉聲如雨
落鄰牆鄰家少女見歎息片片盛囊苔石側惆悵仰天
且踟躕不忍土中瘞麗色

不得已

君不聞胡笳之聲最哀烈散入颼風寒雲裂慘慘慄慄
聲欲絕慄慄慘慘又吹徹吹之者誰無告子問汝何由
爾慘慄一聲聽未終能使嗚咽泣千室君不見漢軍夜
宿陰山北大漠霜寒苦月色胡人此時吹胡笳壯士相
顧咸悽惻胡人不知漢兵悲馬上悠揚得意吹我今吹
笳與之異聲聲慟哭迸涕淚傍人同悲幸相恕悲來吹
笳不得已

蝦蟇

西山有蝦蟇欲吞天上月曠眼撐後肢朶頤望仙闕不
知乘雲霧中道忽蹉蹶開口未能閉張肚將破裂困頓
崖石間無由藏深澤餓狼當前路猛虎出幽窟左右攫

割之金牙揮劍戟墓死無餘肉精爽有魂魄至今雲仍
孫望月貪不歇

傳家刀

君不見傳家日本刀十餘年來沒蓬蒿衝斗精氣鬱屈
久寶器未遇天下豪昨夜篋底神龍吼破屋破磔風雷
走我恐神龍變化去再拜真之宗室牖解條脫鞘驚膽
肝煌煌三尺秋水寒紫電四射星文亂低昂不覺天地
寬惜哉刀兮莫人識不斷犀馬刈荆棘

簡觀海子 池谷盈進 沼津人

我聞觀海子隱居駿城陞代耕非所願儒服常賦詩賦
詩何雅奧瑰蔚發藻辭昔我登蓮嶽舉手弄雲曦始知
天地文闡發已在斯君乃住其下玄關任所窺海內多

虛譽天驥誰能知立言具真意葵心久傾敬重荷瓊瑤
贈愧以木瓜貽

明治三十五年壬寅 二十五歲

耶馬溪紀遊詩十五首

中津至樋田驛

自入宇佐郡遙望東南山千峰當平野峻嶒插霄間奔
流出其下水淨雲亦閒羅漢逕不遠拂衣叩禪關

香魚潭

仄徑沿絕壁鼓松危將落下有百丈潭遠接蒼山郭道
是耶溪口水巖殊斲削長風林谷迴礪湍相奔搏魚過
不能攀余來且盤薄坐石看天雲聊得遊寥廓

青村洞

林巒互數里溪流與之東溪巒相蹙迫斷壁洞門通洞
門連晴川遊煙散遙峰渺渺孤舟小去入黃竹中

洞鳴磯

夕陽下前嶂三五暮鳥歸草灌露將白篠岫煙漸微此
時乘輕屐恰到洞鳴磯川上練光動巖木金霞飛照耀
水石淨薄霧已又圍回看羅漢寺濛濛素雲霏淵默聽
潺湲幽意誰能推

晚宿羅漢下

晚途苦奔峭尙涉大壑淙天空飛鳥滅日入煙霧重幽
風下蘿壁哀猿何處峰欲投故人宿暝色只聞鐘

曾木道上

雞鳴山色曙深磻尚餘煙月落魚梁上風生竹嶼前解
衣臨石瀨揮手弄清漣亦似遊濠意靜觀水底編

賢女峰

溪山深更好益愛水雲濃行盡青村路又看賢女峰哀
鷗啼密竹危日落寒松古洞一祠宇轉令思舊蹤

山村

嶺繞山田闊蒼蒼古樹屯蠶桑還此地泉石激無喧犬
吠桃花塢煙生綠竹村杳然迷出處或恐是仙源

古城

欲弔英雄跡春山訪古城亂陵野花發殘壘暮雲平鐵
鎖何崖壁煙蘿空旆旌攻爭今已矣行客路傍情

机淵

偶來机淵上一笑對青山潭色千尋綠鳥聲四月閒魚
行碧樹下猿嘯白雲間有此臨川樂幽人應不還

長蘂巖岫

溯洄巖路盡峽轉亂流橫飛澗雲中落高天山外傾千
峰看不極萬壑斷還生白日蛟龍鬪時聞絲竹聲

落筆巖

松潭洗雲日水碧暮光殷返照澹明滅游魚皆可看昔
人經過地泉石至今閒去去指前路青蒼是彥山

飛猿巖

耶溪春欲盡之子樂巖阿潭影入深竹鳥聲出綠蘿水
平川上石花舞磻邊波孤坐多幽興風光奈夕何

宿于守貫

寒裳濟夕瀨投宿方鳴鐘月泛東溪上雲行西岸峰雨
聲連後筑樹色接前豐明發買鞍馬更尋山水容

題紀遊詩

昔聞耶溪勝遐想在雲林今見耶溪勝山高白雲深巖
石未稱意水木諧夙心思之發感嘆詩成聊長吟

黃植亭曰

純從耶馬溪起興難用古今體便是落落不凡第一首
敘明來蹤飄然而至中間遊目聘懷猿鳥悲呼寫景則
有色一處用情已工歌末首結出總意如入桃源十首尤
專指及者隱歸入其中製局極神化此等舉動豈一淺
未言所能望其項背至各首器字蒼高聲情警健無一
學語無一亦微新輪老手人

秋懷

梧桐葉老隕霜微月白還看賓雁飛此夜關山歸不得
空思阿母手中衣

中秋同社友賞月品海

乘波泛泛去還留明月新懸海上秋醉後不知身是客
扁舟明月共悠悠

終